

訂般若鈔經卷第一 亦名天宮

本天竺沙門曇摩竭共坐佛念經

道行品第一

聞如是一時佛在羅閱城耆闍崛山中與千二百五十比丘俱皆是羅漢於生死以盡垢濁以索所語如言已脫於心度於智慧其聖已了皆悉上士所作已辯離於重擔是即自從所有已盡其智已脫心即從計除賢者阿難佛告須菩提今日樂不為諸菩薩說般若波羅蜜菩薩當從是學成舍利弗心念今須菩提為諸菩薩說般若波羅蜜自用功說耶持佛威神說乎須菩提知舍利弗心所念便語舍利弗敢佛弟子所說法所成法皆承佛威神何以故佛所說法法中所學皆有證以知便能有所成展轉能相成教於諸法隨其教所以者何但薩阿竭所說無有異若有仁善欲學是法於中終不諍須菩提白佛言使我為諸菩薩說般若波羅蜜菩薩當從中成菩薩菩薩有字為在何法而

字菩薩亦不見法有法字菩薩亦不見菩薩亦不能得亦不見般若波羅蜜亦不能得亦不見菩薩亦不能得亦不見般若波羅蜜亦不能得何所

有菩薩當為說般若波羅蜜說是時菩薩聞之心不懈不怯不恐不難不畏是故菩薩摩訶薩以應般若波羅蜜當念作是住是為學須菩提白佛菩薩摩訶薩行般若波羅蜜當作是學學其心不當自念我是菩薩何以故心無心心者淨舍利弗謂須菩提云何有心心无須菩提語舍利弗心亦不有亦不無亦不能得亦不能知處舍利弗謂須菩提何等心亦不有心不無心亦不能得亦不能知處者須菩提言從對雖有心心无心如是有有心亦不知者亦无造者以是亦不善我須菩提為佛所舉作所舉者不妄空身空身慧所說取第一從是中菩薩摩訶薩得阿惟越致舉名終不復失般若波羅蜜菩薩摩訶薩以

應中住欲學聲聞道地當聞般若波羅蜜當學當持當守欲學聲聞道地當聞般若波羅蜜當學當持當守

欲學菩薩道地當聞般若波羅蜜當學當持當守所以者何般若波羅蜜法甚廣大故菩薩摩訶薩所學須菩提白佛我熟念菩薩心不可得亦不知處亦不可見而可得亦不能及說何所是菩薩摩訶薩般若波羅蜜亦不能逮說菩薩字字處無有處如是字處無所止无所住作是說者菩薩聞之心不懈不憊不恐不難不畏以應阿惟越致其畏無所住住以如是住悉了知不復還須菩提白佛菩薩摩訶薩行般若波羅蜜色中不當住痛痒思想生死識不當於中住想色住為行生死識想痛痒思想生死識住為行生死識不當行生死識設住其中不隨般若波羅蜜教不為應薩芸若為受色故不當受色以不受色為不受痛痒思想生死識不受色者為非色不受痛痒思想生死識者為非識復不受般若波羅蜜是菩薩摩

摩訶般若波羅蜜經 第五

信

摩訶般若波羅蜜經 第五

信

摩訶般若波羅蜜經 第五

信

訶薩為行般若波羅蜜復不受三昧字廣大所入不受聲聞辟支佛乃至薩芸若都不受所以者何不當作想若作想亦如外外小道而有信於薩芸若雖異外道未得解脫雖不受色亦受痛痒思想生死識以不受亦未曉尚未成不見慧亦不內色見慧亦不外色見慧亦不異色見慧亦不內痛痒思想生死識見慧亦不於外識見慧亦不於內外識見慧亦不異識見慧雖徒信欲得脫欲知薩芸若事於法而作限謂為得脫以為得法於法亦為無所得亦未得脫其不以泥洹自貢高是為菩薩摩訶薩般若波羅蜜所以者何為不受色為不受痛痒思想生死識亦不中道般泥洹悉得十種力四無所畏佛十八事不同是故為菩薩摩訶薩般若波羅蜜復次天中天菩薩摩訶薩入般若波羅蜜行者當作是視何所是般若波羅蜜在何所法了不能知不能得處是故為般若波羅蜜當作是念菩薩摩訶薩聞是不懈不怯不恐不難不異知

是菩薩以住不離般若波羅蜜舍利弗問須菩提何因菩薩摩訶薩不離般若波羅蜜住離色色之自然痛痒思想生死識識之自然般若波羅蜜離般若波羅蜜之自然須菩提語舍利弗離色者色之自然痛痒思想生死識離識之自然般若波羅蜜般若波羅蜜之自然般若波羅蜜自然為離相故相之自然為離故相自然相相之自然離相舍利弗謂須菩提學是者為學菩薩若須菩提言以學是者為入薩芸若何以故於諸法為無所入菩薩摩訶薩作是行者便自致至薩芸若坐是菩薩摩訶薩般若波羅蜜薩芸若種復次舍利弗菩薩摩訶薩精進作是語我欲學設使行色為行想想色行為行想想設色行為行想想設壞色行為行想想設滅色行為行想想設空色行為行想想設我立欲得為行想想痛痒思想生死識滅為行想想生行為行想想壞識行為行想想滅行為行想想空識行為行想想我行為行想想為行想想是菩薩摩訶薩為

及行想行是守行般若波羅蜜為不行般若波羅蜜反作想行是菩薩摩訶薩無有護行舍利弗問須菩提菩薩摩訶薩當云何行般若波羅蜜不行色行不想色行不生色行不壞色行不滅色行不空色行不痛痒思想生死識行不生識行不壞識行不滅識行不空識行為行般若波羅蜜亦無見亦无行亦無見行无行亦不見亦不行亦不无行如是為不見何以故一切法無所從來亦无所持是菩薩摩訶薩於一切字法不受是三昧無有邊无有極無所不入諸羅漢辟支佛所不能知菩薩摩訶薩隨是三昧者疾得阿耨多羅三耶三菩提得成至佛須菩提承佛威神說是言時菩薩摩訶薩皆得受決前過去恒薩阿竭自致阿耨多羅三耶三菩提得成至佛隨是三昧者亦不見三昧亦不言我知三昧亦不念我三昧亦不想我坐三昧亦不言我三昧已隨是法者都無有短舍利弗問須菩提何所菩薩摩訶薩隨是三昧行者前

過去佛得時自致成佛可得見三昧處不須菩提言不可得見善男子於三昧亦不知亦不曉亦不了何以故不知不了則答言亦不得亦無有三昧亦不得字佛言善哉善哉須菩提如我所說空身慧菩薩摩訶薩作是者為隨般若波羅蜜學是菩薩摩訶薩為學般若波羅蜜舍利弗白佛如薩為學般若波羅蜜舍利弗白佛如是者為學何法佛語舍利弗菩薩摩訶薩為學無學法何以故法无所逮得莫癡如小兒學舍利弗問佛誰能逮得法者佛語舍利弗無所得是故得佛言无所得法莫癡如小兒學謂有字不能得欲學習入法適為兩尋耳亦不知亦不見法若有法以有便可得色是故法不可知是為知亦不知亦不可見若小兒癡謂有身即不解便不信以不解中住故曰小兒舍利弗白佛菩薩摩訶薩作是學為不學薩若若佛語舍利弗菩薩摩訶

薩作是學為不學薩若若菩薩摩訶薩不作是學為學薩若若以成薩若若須菩提白佛若有問者天中天幻為學佛得作佛或時作是問當何以報之佛語須菩提我故問汝隨所報之於須菩提云何幻與色為有異乎幻與痛痒思想生死識有異乎須菩提報佛言無有異幻與色天中天無有異色是幻幻是色幻與痛痒思想生死識等无有異佛言云何須菩提所問等不隨法徒五陰字菩薩須菩提言如是天中天菩薩摩訶薩學欲作佛為學幻耳何以故作幻者持陰色如幻無所有色六衰五陰如幻痛痒思想生死識皆空无所有但有字六衰五陰耳須菩提須菩提白佛言若新學菩薩摩訶薩聞是語得無恐怖佛語須菩提設使新學菩薩摩訶薩與惡師相得相隨或恐或怖設與善師相隨不恐不怖須菩提白佛何所菩薩摩訶薩惡師當何以知之佛語須菩提其人不尊重摩訶般若波羅蜜教人棄捨去遠離菩薩心反

教作想令學難經隨雜經心邪喜樂教學餘經聲聞若辟支佛事卷卷令誦誦之為說魔事魔主行壞敗菩薩為種種說生死勤苦言菩薩道不可得是故為菩薩摩訶薩惡師須菩提白佛何所是菩薩摩訶薩善師當何從知之佛語須菩提其人尊重摩訶般若波羅蜜稍稍教人令學成教語魔事令覺魔令遠離諸魔是故菩薩摩訶薩摩訶僧那僧涅摩訶衍三拔致諦是為菩薩摩訶薩善師須菩提問佛何因菩薩名為菩薩天中天佛語須菩提學諸經法悉曉了於諸法无所著亦故字為菩薩須菩提復問佛悉曉知諸經法亦故字菩薩何以故復呼摩訶薩佛語須菩提摩訶薩者於天上下取尊亦故字為摩訶薩舍利弗白佛我亦樂聞何以故為摩訶薩佛語舍利弗樂聞者當為若說之摩訶薩者悉自了見悉了知一切人世間所有悉了知人壽命悉了知悉了知著斷之事便能隨人所樂為說法以是故名為摩訶薩須菩提白

摩訶般若經卷第十

佛聞念其中事如是不為摩訶僧那

不知法何所法當立者須菩提白佛

佛摩訶薩者天中天以得摩訶薩字

設菩薩心無有心與心等者无有能

逮心者諸羅漢辟支佛所不能及心

無所著心何以故是薩去若心故用

无有餘故以是心無所著是故号为

摩訶薩舍利弗問須菩提何因菩薩

心無所著須菩提心无所思故無所

著分釋文陀尼弗自佛何因摩訶薩

摩訶薩者何所菩薩為摩訶僧那僧

沮摩訶行者大乘三拔諦三拔諦者

等住佛言是菩薩即為摩訶薩須菩

提自佛摩訶僧那僧沮者何因菩薩

摩訶薩為摩訶僧那僧沮佛言菩薩

摩訶薩念我當度不可計阿僧祇人

悉令般泥洹如是賜般泥洹而無有

法般泥洹者何以故須菩提譬若如

幻師於廣大處化作衆人滿一城中

悉斷所化人頭於須菩提意去何有

所中傷死者不須菩提言无有中傷

死者佛言如是須菩提度不可計阿

僧祇人賜般泥洹無有人般泥洹者

聞是不恐當知是菩薩摩訶薩即為

摩訶僧那僧沮須菩提自佛如我從

佛聞念其中事如是不為摩訶僧那

僧沮何以故無有作薩去若者无有

供養無有作人者何所人當作僧那

僧沮色天中天無者无縛無脫痛痒

思想生死識天中天無者无縛無脫

分漫陀尼弗問須菩提色無者无縛

無脫痛痒思想生死識无者无縛无

脫乃有色不者不縛不脫乃有痛痒

思想生死識不者不縛不脫何所色

須菩提無者无縛無脫何所痛痒思

想生死識无者无縛无脫須菩提語

分漫陀尼弗色如幻無者无縛無脫

痛痒思想生死識如幻无者无縛无

脫無有邊无者无縛无脫恍惚无者

无縛無脫无所生無者无縛無脫是

故菩薩摩訶薩摩訶僧那僧沮須菩

提自佛何因菩薩摩訶薩為摩訶僧

三拔諦何所是摩訶僧那僧沮何所住

行為何所當從何所立行中佛語

須菩提摩訶僧那僧沮者無有極不

可得邊幅從何所自致立行摩訶僧

者從三界出立薩去若中亦不於行

有所立不立何以故立不立者於法

不知法何所法當立者須菩提白佛

言摩訶僧那僧沮者於天上天下人

中極過上其行與空等如虛空覆不

可計阿僧祇人介故為摩訶僧那僧

摩訶薩亦不見來時亦不見去時亦

不見住處於摩訶僧那僧沮天中天不能得

本亦不能得當所來亦不能得中間

於三界見字為摩訶僧那僧沮善哉善

哉須菩提介故菩薩摩訶薩為摩訶

僧那僧沮陀尼弗自佛尊者須菩提佛

使說般若波羅蜜乃說摩訶僧那僧

須菩提自佛言我說般若波羅蜜得

无過天中天佛語須菩提所說般若

波羅蜜不過如毫毛適得其中復次

天中天亦不見菩薩本亦不見當來

菩薩亦不見菩薩中間色無有邊菩

薩亦无有邊色菩薩不可逮亦不可

知亦不可得如是天中天菩薩摩訶

薩亦不可知亦不可得當以何般若

波羅蜜為菩薩摩訶薩說之亦不得

菩薩亦不見菩薩當以何法說般若

波羅蜜菩薩轉復相字為菩薩云何

天中天何所字我我天中天我者亦

滅是者法之自然何所是色其要不滅者何所色為是痛痒思想生死識亦亦識者無有邊菩薩亦無有邊菩薩了不知處亦不可見天中一切菩薩摩訶薩了無有處亦無可得何所是菩薩摩訶薩當為說般若波羅蜜於菩薩都不可得見亦不知處當從何法中說般若波羅蜜菩薩摩訶薩為得字者如是字想我我天中天我亦滅是法之自然何所識要而不滅者何所識於法之自然而不滅不滅者非法作亦不無不滅何無滅者如般若波羅蜜所說不作異滅當從何法自致菩薩為住行者其聞是者不恐不畏為行般若波羅蜜般若波羅蜜者天中天熱思惟是時為不入色何以得色無所生為非色設非色為無色亦無有生從其中無所得字是色為法作數是時菩薩摩訶薩為行般若波羅蜜當觀法思惟深入中是時亦不入痛痒思想生死識何以故識無所生為非識設非識為無識亦無有生從其中無所得字是識為法

作數舍利弗問須菩提說法無所出生設菩薩無所出生者菩薩用何等故勤苦行菩薩之道設用一切入故何能忍是勤苦須菩提語舍利弗我亦不使菩薩忍是勤苦行菩薩忍勤苦行是菩薩之道不自念我忍勤苦行何以故菩薩心不作是念便能為不可計阿僧祇人而作本令悉安隱念之如母念之如父念之如子念之如身菩薩摩訶薩當持心作是念一切於菩薩不見亦不知處於內外法當作是念當作是行作是行者為忍勤苦行設使菩薩舍利弗不見出生菩薩為無所生舍利弗謂須菩提設使菩薩無所生菩薩若亦無所生須菩提語舍利弗菩薩若亦無所生舍利弗復謂須菩提菩薩若無所生九人亦無所生須菩提言九人者亦無所生舍利弗謂須菩提菩薩無所生菩薩法亦無所生菩薩若無所生九人法亦無所生菩薩無所從生自致菩薩若須菩提言不從無所生法可

入亦不無無所從生法遠得舍利弗復問其生者乃能遠得法不須菩提言無所從生法為遠生無無所生法是為遠得舍利弗復言以生者為從無所生須菩提言無所生無所生樂聞舍利弗語須菩提無所樂生是故為樂須菩提言無所生聞是為聞舍利弗言以聞所語須菩提語舍利弗無無所語是為語無所語無所樂是故語是故樂舍利弗言善哉善哉須菩提所說於法中為尊何以故尊者須菩提隨所問即答悉報之須菩提語舍利弗佛弟子所說法皆悉如事隨其所問即能解何以故隨法如事故亦不知所出生舍利弗言善哉善哉須菩提從何波羅蜜度菩薩摩訶薩須菩提語舍利弗從般若波羅蜜說是法時若誦誦讀菩薩摩訶薩當知信之不疑有隨是法不增不隨是法者不減舍利弗謂須菩提隨是法不增不隨是法亦不減隨法教一切人隨法者不失一切人皆使得菩薩摩訶薩何以故一切人悉學法

摩訶般若波羅蜜經 第十卷 河

卷

其法俗如故須菩提言善哉善哉舍利弗所解法如舍利弗言無異何以故人之自然當念知人之恍惚當念知恍惚人身難了知當念知之舍利弗菩薩摩訶薩法當作是守當作是行摩訶般若波羅蜜問品第二

亦時釋提桓因與四万天人俱來共會四天王與天上二万天人俱來共會梵迦婁天與一万人俱來共會諸天宿命有德光明巍巍得佛威神力諸天光明悉不復見釋提桓因白須菩提若千万天人大會欲聽須菩提說般若波羅蜜云何菩薩摩訶薩於般若波羅蜜中住須菩提語釋提桓因拘翼是若千万天人樂聞者皆聽我當持佛威神力廣為諸天人說般若波羅蜜何所天人未發菩薩心者今皆當行以得須陀洹者不可復得菩薩道何以故問塞生死故正使是輩人索菩薩道我亦勸助之不斷其功德悉使取法中極尊欲使極上佛言善哉善哉須菩提勸樂諸學

摩訶般若波羅蜜經 第十卷 河

摩訶般若波羅蜜經 第十卷 河

卷

乃亦須菩提白佛言我當報恩不得不報何以故過去時但薩阿竭皆令弟子為諸菩薩說般若波羅蜜但薩阿竭時亦在其中學如是法中今自致作佛天中天因是故當報恩今我復說般若波羅蜜菩薩亦當復受菩薩法我亦復勸樂菩薩摩訶薩疾得成佛須菩提語拘翼當所問者且聽所問菩薩摩訶薩云何住般若波羅蜜菩薩摩訶薩以空住般若波羅蜜三拔諦色不那中住痛痒思想生死識不那中住須陀洹不那中住斯陀含不那中住阿那含不那中住阿羅漢不那中住辟支佛不那中住佛不那中住有色不那中住有痛痒思想生死識不那中住有須陀洹不那中住有斯陀含不那中住有阿那含不那中住有阿羅漢不那中住有辟支佛不那中住有佛不那中住色常无常不那中住痛痒思想生死識常無常不那中住色若樂若苦不那中住痛痒思想生死識若苦若樂不那中

住色若空不空不那中住痛痒思想生死識若空不空不那中住色是我所非我所不那中住痛痒思想生死識是我所非我所不那中住須陀洹道不動成就不那中住須陀洹道已不那中住何以故七死七生便度去是故須陀洹道不那中住斯陀含道不動成就不那中住斯陀含道已不那中住何以故斯陀含一死一生便度去是故斯陀含道不那中住阿那含道不動成就不那中住阿那含道成已便於天上般泥洹是故阿那含道不那中住阿羅漢道不動成就不那中住何以故羅漢道成已便盡是閒元有餘泥洹般泥洹是故羅漢道不那中住辟支佛道不動成就不那中住辟支佛道成已過聲聞道地不逮佛道便中道般泥洹是故辟支佛道不那中住自致成佛為阿僧祇人作本教不可計阿僧祇人皆當般泥洹佛所作為皆究竟已當般泥洹亦不那中住舍利弗心念言菩薩云何住須菩提知舍利弗心所念便

即報之云何舍利弗佛為在何所住  
舍利弗語須菩提佛无所住恒薩阿  
竭心無所住止亦不在不動處止亦  
無動處止須菩提語舍利弗菩薩摩  
訶薩當作是學如恒薩阿竭不住亦  
不住亦無无住當作是學住諸天  
人間是其心各作是念諸閑又若大  
若小所語悉可了知尊者須菩提所  
說了不可知須菩提知諸天人心之  
所念即報言是語難了難了亦不可  
聞亦不可知諸天人心各各復念是  
語當解當解今尊者須菩提所知深  
入深入須菩提即復知諸天人心所  
念語諸天人欲得須陀洹道證以得  
須陀洹道不忍不那中住便度去欲  
得斯陀含道證以得斯陀含道不忍  
不那中住便度去欲得阿那含道證  
以得阿那含道不忍不那中住便度  
去欲得阿羅漢道證以得羅漢道不  
忍不那中住便度去欲得辟支佛道  
證以得辟支佛道不忍不那中住便  
度去欲得佛道證以得佛道不忍不  
那中住便度去諸天人皆念言尊者

須菩提所說乃亦誰當聽受是法者  
須菩提知諸天人心所念語諸天人  
幻人者當聽我法當受我法何以故  
從我聞法已亦不作證諸天人心各  
各復念云何幻人聽法與人等無有  
異須菩提知諸天人心所念語諸天  
人幻如人人如幻須菩提言我說須  
陀洹斯陀含阿那含阿羅漢辟支佛  
道亦如幻耳正使佛道我說亦復如  
幻諸天人謂須菩提乃至佛亦復說  
如幻須菩提語諸天人乃至泥洹亦  
復如幻諸天人復問須菩提乃至泥  
洹亦復如幻云何須菩提言諸天人  
設復有法出於泥洹者亦復如幻何  
以故幻人泥洹賜如空所有舍利弗  
分漫陀尼弗摩訶拘締羅摩訶迦旃  
延等共問須菩提般若波羅蜜實重  
深何等入當受是法者賢者阿難亦  
亦須菩提報諸比丘言阿惟越致菩  
薩當受是法者成就阿羅漢者復有  
是法无有持者何以故般若波羅蜜  
說相如是從中無所出何以故法中  
無所有无所聞無所得如是法比无

所聞法无所得法從是法中無所受  
釋提桓因心念兩法實尊者須菩提  
所說我寧可化作華持散須菩提上  
釋提桓因即化作華散尊者須菩提  
上須菩提即言是華不出於忉利天  
上曾見是華為從幻化釋提桓因所  
化散我上者為從心樹出不從樹木  
出生是華為從心樹出生釋提桓因  
言如所說華為從心樹出須菩提言  
如是拘翼釋提桓因言亦不從心樹  
出須菩提言以是故為非華釋提桓  
因言尊者須菩提所入慧甚深甚深  
所說不增不减作是說法如須菩提  
教菩薩摩訶薩當作是學須菩提語  
釋提桓因拘翼所言如語無有異是  
菩薩摩訶薩所學菩薩摩訶薩作是  
學者為不學須陀洹斯陀含阿那含  
阿羅漢辟支佛道是菩薩為學菩薩  
若作是學者為學不可計阿僧祇法  
不生色學不生痛痒思想生死識學  
不學受色不學痛痒思想生死識不  
學受想法樂亦不學受有所失作是  
者為學菩薩若為如薩若若舍利弗

摩訶般若鈔經第一卷 第五十二經 天

摩訶般若鈔經第一卷 第五十三經 天

語須菩提作是學者亦不受薩若亦不失學為學薩若若為如薩若若須菩提語舍利弗作是學亦不受薩若若亦不失學是為學薩若若為如薩若若釋提桓因問舍利弗菩薩摩訶薩當云何求般若波羅蜜舍利弗言當問尊者須菩提釋提桓因問尊者須菩提當持何威神恩而所學須菩提言所學者悉承用佛威神思屬拘翼所問菩薩摩訶薩當云何求般若波羅蜜亦不可從色求亦不可離色求亦不可從痛痒思想生死識求亦不可離識求何以故般若波羅蜜亦非色亦不離色般若波羅蜜非痛痒思想生死識般若波羅蜜亦不離識般若波羅蜜釋提桓因問須菩提摩訶波羅蜜元有邊摩訶波羅蜜無有極須菩提語拘翼摩訶波羅蜜元有邊無有極波羅蜜了不可見無有極波羅蜜了不可極人無極波羅蜜亦無極如是拘翼當云何求波羅蜜於法中無有極元有邊際亦無中間亦不能得有所限波羅蜜者亦復

如是復次拘翼法者無際無限無有極無有中無可得者釋提桓因言云何尊者須菩提人無極波羅蜜亦無極須菩提語釋提桓因都盧不可議計正使倍復倍人亦無極波羅蜜亦復無極釋提桓因言何緣人元極波羅蜜亦無極須菩提言於拘翼意云何何所法中說人人之本釋提桓因言無有法作是說者亦无法留置者設有出者但字耳無有作者但以字耳須菩提言於釋提桓因云何能有人可得見者不釋提桓因言不可得見須菩提報釋提桓因無有作者何所有人正使恒薩阿竭阿惟三佛壽如恒邊沙劫說有人生者滅者釋提桓因言無有人何以故本淨淨故以是拘翼人元有極當作是念般若波羅蜜

摩訶般若鈔經卷第一

戊戌歲高麗國大藏都監奉勅影造

摩訶般若鈔經卷第二

前奉天竺沙門曇摩竭共竺佛公譯

河

功德品第三

今時諸因迺天諸梵天諸波耶和提天諸伊沙天諸那提乳天同時三反作是稱譽法賢者須菩提所說法甚深袒薩阿竭皆從是生其有聞者若誦誦讀有行者我輩恭敬視如怙薩阿竭我輩恭敬視菩薩摩訶薩持般若波羅蜜佛語諸天人如是如是昔我於提和竭羅佛前逮得般若波羅蜜我便為提和竭羅佛所授史言却後若當為入中之道當悉當速佛智慧釋迦文天上下天下於中軍尊安定世間法中極明号日為佛諸天人自佛言甚善善菩薩摩訶薩天中天行般若波羅蜜自致行到薩若若佛於天會中告諸比丘比丘尼優婆塞優婆夷今以四輩為證欲天梵天阿波論天皆共證知佛語釋提桓因拘翼若有善男子善女人其有學般若波羅蜜

摩訶般若經卷第二 第三

持誦者是善男子善女人魔若魔天  
若人若非人終不能得其便亦不得  
橫死復次拘翼切利天上諸天人其  
有行佛道者未得般若波羅蜜學誦  
者是輩天人皆當往到善男子善女  
人所其學持誦般若波羅蜜者若行  
空關屏限之處終不恐怖無所畏懼  
四天王白佛言我輩自共擁護是善  
男子善女人學般若波羅蜜持誦者誦  
者梵摩三鉢天及諸梵天人俱白佛  
言我輩自共擁護是善男子善女人  
學般若波羅蜜持誦者釋提桓因白  
佛言我自擁護是善男子善女人學  
般若波羅蜜持誦者釋提桓因復白  
佛言難及天中天若善男子善女人  
有學般若波羅蜜者使得現在法其  
受般若波羅蜜者天中天為悉受六  
波羅蜜佛言如是拘翼其受般若波  
羅蜜者為悉受六波羅蜜復次拘翼  
若善男子善女人學持誦般若波  
羅蜜者拘翼且聽我說其所得功  
德上語亦善中語亦善下語亦善釋  
提桓因言受教佛語拘翼其欲於我

摩訶般若經卷第三 第四

法中有所嫉害亂者其人稍稍起惡  
意欲來未至中道而亡是善男子善  
女人用學般若波羅蜜持誦故其人  
賫惡往來至稍稍嫉害亂意自止便  
屈還終不至是者拘翼善男子善女  
人所作為悉自見得用學持誦般若  
波羅蜜故辟若有藥拘翼名為摩祇  
有地飢者行索食所當敬食道逢五  
身地欲嗽之虫行到摩祇藥所地聞  
藥香即走還去何以故藥力所却地  
毒即歇藥力所厭如是拘翼若善男  
子善女人學持誦般若波羅蜜者其  
有欲害便自消亡用般若波羅蜜威  
神力所却佛言設有謀作者所從來  
處便於彼闢破壞不復成四天王皆  
擁護是善男子善女人若入般若波  
羅蜜中思惟者自在所為所語如甘  
露所語悉尊重願不生不自貢高  
四天王皆當擁護是善男子善女人  
學持誦般若波羅蜜者所語无有異  
所言如甘露所言不輕願惹不起自  
貢高不生何以故用學般若波羅蜜  
故不愛貢高不愛自用不愛願惹是

摩訶般若經卷第四 第五

善男子善女人自生念若有聞諱  
常當遠離面自著慙念是曹之惡而  
不可近自念我索佛道不可隨願惹  
語疾使我速好心是善男子善女人  
所作為悉自見現在功德其學持誦  
般若波羅蜜者亦亦釋提桓因白佛  
言難當天中天為般若波羅蜜者乃  
過諸惡上去自在所作無有與等者  
佛語釋提桓因復次拘翼善男子善  
女人學持誦般若波羅蜜者或過劇  
難之中終不恐正使入軍不被兵佛  
言我所語無有異若善男子善女人  
當是時念誦般若波羅蜜正使於中  
當死若冤家在中欲共害之如佛所  
語無有異是善男子善女人終不於  
中橫死正使在中若有射者若有兵  
向者終不中其身何以故是般若波  
羅蜜者極大呪持尊之呪學是呪者  
善男子善女人不自念惡亦不念他  
人惡都不念惡為人之雄自致作  
佛當護一切人學是呪者成得佛  
復次拘翼若書般若波羅蜜學持誦  
經者若人若非人不能害之除宿命

之罪不可請避若佛初得道處若有人從在方面來入其中若鬼神禽獸

摩訶般若經卷第五 第三十

欲來燒者終不能傷害何以故用過去當來今現在佛悉從是處自致成

佛以是故不怖无所畏懼般若波羅蜜者亦復如是在所止處一切

皆為作禮恭敬護視之釋提桓因白佛言若有天中天書般若波羅蜜持

經卷自歸作禮承事者名華好香禱香雜香澤香燒香繒絲華蓋幢幡以

是供養若有持恒薩阿竭阿羅訶三耶三佛舍利起塔自歸作禮承事好

華名香禱香雜香澤香燒香繒絲華蓋幢幡持用供養佛問拘翼如其

福何所為多者隨所樂報云何拘翼恒薩阿竭阿羅訶三耶三苦自致薩

苦若成佛身出現從何法中學得阿耨多羅三耶三苦阿惟三佛釋提桓

因報言恒薩阿竭從般若波羅蜜學得阿耨多羅三耶三苦自致成阿惟

三佛佛語釋提桓因不用身舍利故為從薩苦若得佛恒薩阿竭者為從

般若波羅蜜出如是拘翼薩苦若身

者為從般若波羅蜜出恒薩阿竭阿羅訶三耶三苦為從薩苦若生我得作

摩訶般若經卷第五 第三十

佛身我般泥洹已後舍利亦得供養若有善男子善女人書般若波羅蜜

學持誦行自歸作禮承事以好華名香禱香雜香澤香燒香繒絲華蓋幢

幡持用供養即為供養薩苦若慧已復次拘翼其有書般若波羅蜜者持

經卷雖不讀但供養作禮是善男子善女人從其中得功德無比何以故

為供養薩苦若慧故釋提桓因白佛言如是天中天閻浮利人不供養事

般若波羅蜜者是輩人不知般若波羅蜜為尊當得福無比佛語釋提桓

因云何拘翼閻浮利人中有幾所信佛信法信比丘僧者釋提桓因白佛

言閻浮利人少所信佛信法信比丘僧者少少耳及行須陀洹斯陀舍阿

那舍阿羅漢辟支佛少少耳能至行佛道者亦復少少耳佛言如是拘翼

至有索佛道行者亦復少少耳求佛者不可計阿僧祇人欲作菩薩行然

後從其中出者若一若兩在阿惟越

致地立以是故拘翼若善男子善女人行求佛道者學持誦般若波羅蜜

摩訶般若經卷第五 第七

經當為作禮承事恭敬所以者何用晚般若波羅蜜故過去恒薩阿竭阿

羅訶三耶三佛本從菩薩行般若波羅蜜所學我時亦在中學恒薩阿竭

般泥洹後菩薩摩訶薩悉當受是般若波羅蜜恒薩阿竭般泥洹後拘翼

若善男子善女人取舍利供養起七寶塔盡壽自歸作禮承事供養天華

禱香澤香燒香雜香天繒華蓋幢幡如是於拘翼意云何其所作為福寧

多不釋提桓因言甚多甚多天中天佛言不如善男子善女人書般若波

羅蜜持經卷自歸作禮承事供養名華好香禱香雜香澤香燒香繒絲華

蓋幢幡得福甚多佛言置是塔拘翼若滿閻浮利七寶塔善男子善女人

盡形壽自歸作禮承事供養天華好香禱香雜香澤香燒香天繒華蓋幢

幡云何拘翼其福寧多不釋提桓因言甚多甚多天中天佛言不如善男

子善女人書般若波羅蜜持經卷自

歸作札承事供養名香好香擣香雜

香澤香燒香繒絲華蓋幢幡得福甚多佛言且置是闍浮利所作塔滿四天下七寶塔拘翼若善男子善女人盡形壽自歸作札承事供養天華好香擣香雜香澤香燒香天繒華蓋幢幡其福寧多不釋提桓因言甚多甚多天中天佛言不如善男子善女人書般若波羅蜜持經卷自歸作札承事供養名華好香擣香雜香澤香繒絲華蓋幢幡得福甚多佛言置四天下塔拘翼辟如一天下復次一天下如是千天下四面皆滿七寶塔若善男子善女人盡形壽自歸作札承事供養天華好香擣香雜香澤香燒香天繒華蓋幢幡云何拘翼其福寧多不釋提桓因言甚多甚多天中天佛言不如善男子善女人書般若波羅蜜持經卷自歸作札承事供養名華好香擣香雜香澤香燒香繒蓋幢幡得福甚多佛言復置千天下拘翼復次千小國土如是中為二千國土四面皆滿七寶塔若善男子善女人盡

形壽自歸作札承事供養天華擣香

雜香澤香燒香天繒蓋幢幡云何拘翼其福寧多不釋提桓因言甚多甚多天中天佛言不如善男子善女人書般若波羅蜜持經自歸作札承事供養名華好香擣香雜香澤香燒香繒蓋幢幡得福甚多佛言置二千中國土拘翼三千大千國土四面滿中七寶塔若有善男子善女人盡形壽自歸作札承事供養天華擣香雜香澤香燒香天繒蓋幢幡云何拘翼其福寧多不釋提桓因言甚多甚多天中天佛言不如善男子善女人書般若波羅蜜持經卷自歸作札承事供養名華好香擣香雜香澤香燒香繒絲華蓋幢幡得福甚多佛言置三千大千國土七寶塔拘翼若三千大千國土中一切菩薩悉得為人人人作七寶塔是單人盡形壽持倡伎樂歌舞天雜香名華擣香澤香燒香繒絲華蓋幢幡持用供養云何拘翼是功德福寧多不釋提桓因言其所作福德功德甚多甚多天中天佛言不如

善男子善女人書般若波羅蜜持經

卷自歸作札承事供養名華好香擣香雜香澤香燒香繒絲華蓋幢幡得福甚多釋提桓因白佛言如是如是天中天其自歸般若波羅蜜作札承事者為供養過去當來今現在佛菩薩若已釋提桓因復白佛置三千大千國土人人所作七寶塔如恒河沙佛剎滿中人人悉起七寶塔皆供養一切復至一切持天華名香擣香雜香澤香燒香天繒華蓋幢幡以天上天下諸伎樂持用供養其福功德不如善男子善女人書般若波羅蜜持經卷自歸作札承事供養名華好香擣香雜香澤香燒香繒絲華蓋幢幡所有得福出彼上佛語釋提桓因如是拘翼不如善男子善女人從法中得福極多不可計不可議不可稱不可量不可極何以故拘翼恒阿竭阿羅訶三耶三佛薩若若者為從般若波羅蜜出如是拘翼善男子善女人書般若波羅蜜持經卷自歸作札承事供養名華好香擣香雜香

澤香燒香繒綵華蓋幢幡如是拘翼

怒拘舍羅中生十善功德照明世間

羅蜜以故中道還去弊魔作是念恒

是皆前世功德所致佛言如恒邊沙  
 佛刹百倍皆起七寶塔不在計中千  
 倍不在計中百千倍不在計中萬億  
 倍不在計中無數倍不在般若波羅  
 蜜供養計中介時四万天子與釋共  
 來會者皆謂釋提桓因尊者當取般  
 若波羅蜜當誦般若波羅蜜佛語釋  
 提桓因當學持誦般若波羅蜜何以  
 故若阿須倫生念欲起兵與忉利天  
 共戰是時拘翼當念誦般若波羅蜜  
 阿須倫即休兵眾即還釋提桓因白  
 佛般若波羅蜜極大呪天中天般若  
 波羅蜜極尊呪無有輩呪佛言如是  
 如是拘翼般若波羅蜜為極大呪般  
 若波羅蜜為極尊呪般若波羅蜜無  
 有輩呪是呪拘翼過去恒薩阿竭阿  
 羅訶三耶三佛皆從是呪自致作佛  
 甫當來諸恒薩阿竭阿羅訶三耶三  
 佛皆學是呪自致得佛今現在諸佛  
 皆從是呪自致作佛是呪者拘翼出  
 十善功德照明於世四禪四諦四神  
 足五旬照明於世菩薩摩訶薩因遍

復次拘翼若善男子善女人學持誦  
 般若波羅蜜者便得現在法聽釋提  
 桓因問佛云何當得今現在法聽佛  
 言其人終不橫死終不中毒死終不  
 於溺死終不兵死若時時遭縣官若  
 為縣官所侵當誦念般若波羅蜜往  
 到其所終不得危害何以故般若波  
 羅蜜所擁護若為縣官所呼召當誦  
 念般若波羅蜜彼聞若王若太子傍  
 臣所使與相見即得好語各皆歡喜  
 何以故用學般若波羅蜜慈心愍傷  
 氣念一切人銷飛蠕動故其欲得害  
 者不能得其便佛說是時有異道人  
 遙見佛欲往亂坐釋提桓因自念言  
 盡我壽常得在佛邊受誦般若波羅  
 蜜異道人欲但來必亂我今不得受  
 般若波羅蜜釋提桓因從佛所受誦  
 般若波羅蜜彼異道人即遙遠所遠  
 天中天一匹便從彼道徑還去舍利  
 弗心念云何異道人從彼間中道而  
 去佛知舍利弗心所念即言是異道  
 人元有好意來釋提桓因念般若波

羅蜜以故中道還去弊魔作是念恒  
 薩阿竭阿羅訶三耶三佛與四輩弟  
 子共坐欲天梵天諸天子悉復在中  
 無有異人菩薩摩訶薩今受波者當  
 為人中之將自致作佛我當往亂之  
 弊魔化乘一轅之車駕四馬稍稍欲  
 前到佛所釋提桓因念弊魔乘四馬  
 之車欲來到佛所非國王并沙四馬  
 之車亦不類國王波斯匿四馬之車  
 亦非類釋種墮舍利種四馬之車不  
 類是弊魔所作常念索佛便欲亂世  
 間人釋提桓因常願欲念誦讀般若  
 波羅蜜即時心念般若波羅蜜且欲  
 究竟弊魔即復道還去忉利天上人  
 持所化華飛在空中用散佛上皆言  
 使般若波羅蜜得久在闍浮利令人  
 悉得聞見便復持天上若干種華已  
 散佛上皆言其有行般若波羅蜜者  
 守般若波羅蜜者亦不為魔及魔天  
 所得便釋提桓因自佛言其聞般若  
 波羅蜜者是輩人其福功德不少何  
 况學誦持者諷誦學已復行教人是  
 人前世已為見佛從聞般若波羅蜜

何況學持誦已行如中事者即為供養恒薩阿竭已何以故欲得薩若者當從般若波羅蜜如欲得極天寶者天中天當從大海欲得薩若若珍寶者天中天恒薩阿竭阿羅訶三耶三佛當從般若波羅蜜索之佛言如是如是拘翼恒薩阿竭阿羅訶三耶三佛為從薩若若出阿難白佛言无有說檀波羅蜜者亦不尸波羅蜜亦不羸波羅蜜亦不惟逮波羅蜜亦不禪波羅蜜都無說是字者但共說般若波羅蜜何以故天中天佛語阿難般若波羅蜜五波羅蜜中寂尊云何阿難不作薩若若布施能為檀波羅蜜不作薩若若淨戒忍辱精進一心智慧能為尸羸惟逮禪波羅蜜不阿難言如是如是天中天無波羅蜜者為布施薩若若者是檀波羅蜜無波羅蜜為戒忍辱精進一心智慧薩若若者是般若波羅蜜佛語阿難用是故般若波羅蜜五波羅蜜中為寂尊譬如掘地以種散其中同時俱出生如是阿難般若波羅蜜者為生

五波羅蜜薩若若者從般若波羅蜜成以是故阿難般若波羅蜜於五波羅蜜為極大尊自在所教釋提桓因白佛言恒薩阿竭阿羅訶三耶三佛說善男子善女人從般若波羅蜜教學持誦者說其功德未能竟佛語拘翼我不說諷起者功德未竟說善男子善女人書般若波羅蜜者持經卷自歸作禮承事供養名華好香搗香雜香澤香燒香繒絲華蓋幢幡我說是供養功德耳釋提桓因白佛我自擁護規是善男子善女人書般若波羅蜜持經卷自歸供養承事名華好香搗香雜香澤香燒香繒絲華蓋幢幡者佛語拘翼善男子善女人誦般若波羅蜜時若干百千天往到其所聽聞其法若有於法不解欲問法師適作是念用茲法故應時各解是善男子善女人便得今現在法聽復次拘翼善男子善女人於四輩弟子中說般若波羅蜜其心都无所難若形試者終不畏何以故為般若波羅蜜所擁護其所形試者便即而去佛言

我了不見為般若波羅蜜者何況欲形試般若波羅蜜即是不能得見為般若波羅蜜之所厭服善男子善女人无有敢輕易者心亦无所畏恐是善男子善女人為悉見今現在所作功德法復次拘翼若善男子善女人敬愛父母沙門道人知識兄弟宗親中外或時其欲說惡事者持中正法為解說之是者拘翼善男子善女人便得今現在所作功德法復次拘翼善男子善女人書般若波羅蜜持經卷書四天王上諸天人索羅蜜者當到彼所問計聽受般若波羅蜜作禮遠竟便去切利天上諸天人索佛道者當到彼所問計聽受般若波羅蜜作禮遠竟便去鹽天上諸天人索佛道者當到彼所問計聽受般若波羅蜜作禮遠竟便去是善男子善女人當知无央數阿僧祇佛刹諸天人龍闍叉捷陀羅阿須倫迦樓羅甄陀摩睺休人非人當來到是問問計聽受般若波羅蜜作禮遠竟各自便去是即為施堯術天上諸天

佛道者當到彼所問許聽受般

人索佛道者當到彼所問許聽受般

若波羅蜜作禮遠竟便去尼摩羅提

天上諸天人索佛道者當到彼問問

許聽受般若波羅蜜作禮遠竟便去

波羅尼蜜和耶拔致天上諸天人索

佛道者當到彼所問許聽受般若波

羅蜜作禮遠竟便去梵迦夷天梵富

樓天梵波產天摩訶梵天蘊天波利

陀天蘊波摩那阿波巨著天波利

陀首訶天阿波摩首天首訶迦天惟

番羅天阿比天阿陀首天首陀施天

阿迦膩吒天等諸天人皆當到彼所

子善女人若見光明知諸天若龍閻  
又捷陀羅來聽受般若波羅蜜承事  
作禮其心歡喜踊躍知已為來復次  
拘翼善男子善女人曾所不聞香若  
聞香當知鬼神來已復次拘翼善男  
子善女人當淨身體用淨潔故鬼神  
皆大歡喜數往到彼所其人踊躍如  
小天去大天來到以是辭之其威神  
甚尊光明巍巍是善男子善女人常  
歡喜淨潔住其病終不著身所止常  
得安隱未曾有惡夢夢中不見餘但  
見佛但見塔但聞般若波羅蜜但見  
佛所坐樹但見法輪轉但見且欲成  
佛時但見諸佛成得佛已轉法輪但  
見若干菩薩但見說六波羅蜜種種  
為解慧但見當作佛者但見餘佛刹  
但聞佛尊法但見某方某刹恒薩阿  
竭阿羅訶三耶三佛若干百千弟子  
若干億弟子佛在其中而說法是者  
拘翼善男子善女人於夢中所見已  
便安隱覺即身為輕不復思食身如  
食軟美而飽辟若比丘得禪從禪覺  
已其心軟好不大思食自軟美飽如

佛道者當到彼所問許聽受般

人索佛道者當到彼所問許聽受般

若波羅蜜作禮遠竟便去尼摩羅提

天上諸天人索佛道者當到彼問問

許聽受般若波羅蜜作禮遠竟便去

波羅尼蜜和耶拔致天上諸天人索

佛道者當到彼所問許聽受般若波

羅蜜作禮遠竟便去梵迦夷天梵富

樓天梵波產天摩訶梵天蘊天波利

陀天蘊波摩那阿波巨著天波利

陀首訶天阿波摩首天首訶迦天惟

番羅天阿比天阿陀首天首陀施天

阿迦膩吒天等諸天人皆當到彼所

佛道者當到彼所問許聽受般

是拘翼是善男子善女人從覺已不

六忌食自想身軟美如飽何以故拘

翼其邪鬼神不敢近是善男子善女

人為自見今現在功德法已用學誦

般若波羅蜜故若有書寫雖不誦讀

但持經卷自歸作札承書供養名華

好香擣香雜香澤香燒香繒絲華蓋

幢幡復次拘翼或聞淨利中滿怛薩

阿竭舍利若般若波羅蜜經是二者

欲取何所釋提桓因言我寧取般若

波羅蜜何以故我不敢不敬舍利天

中天其舍利者為從般若波羅蜜出

而得供養如我於諸天中而獨持坐

或時不在座上敢有天人來到者皆

承事為座作札所受教處便即而去

般若波羅蜜出者如是天中天出怛

薩阿竭阿羅訶三耶三佛舍利為從

薩若智慧出生閻淨利中滿怛薩

阿竭舍利正使天中天三千大千國

土滿中舍利為一分般若波羅蜜經

為二分我從二分之中取般若波羅

蜜何以故舍利為從中出自到得供

養譬如負債之人天中天與王者相

摩訶般若波羅蜜經卷第三 第三十品 知得甚敬愛無有問者亦无所畏何

以故在王邊得威力故天中天以從般若波羅蜜者便出舍利而得供養般若波羅蜜者如王其住附者輒為人所敬恒薩阿竭舍利為從薩芸若出生便得供養是天中天薩芸若慧恒薩阿竭阿羅訶三耶三佛為從般若波羅蜜出當作是知兩分之中我取般若波羅蜜其受般若波羅蜜持者譬如元價摩尼珠天中天其有是寶無有與等者在所著處鬼神不得其便不為鬼神所害若男子女人無大元小其得邪者持是摩尼珠者身其鬼神即走去若中熟者持是摩尼珠者身上其熱即為除若中風者持是摩尼珠者身上其風即為除若中寒者持是摩尼珠者身上其寒不復增即得除去若夜時持摩尼珠者冥中即為悉明若熱時持摩尼珠者所著處即為大涼若寒時持摩尼珠者所著處即為大溫在所置處諸毒即為不行若男子女人無大元小若地罅所罽持是摩尼珠者之毒即自

摩訶般若波羅蜜經卷第三 第三十一品 去是摩尼珠天中天之為極尊若有

人病目痛者若得目冥持是摩尼珠近眼痛即為除愈如是天中天摩尼珠之德甚大巍巍若著水中水即如色持若干種繒鄭重裹摩尼珠者其水中水即隨色若水濁者即時為清摩尼之德而元與比阿難問釋提桓因云何拘翼天上亦有摩尼閻浮利地上亦有摩尼俱同摩尼能有差別即報阿難天上摩尼者不與人間俱同閻浮利所有其光顯自然不足言耳如我所說即之有異其德甚尊十倍百千倍萬億倍巨億萬倍如我所語摩尼者若著篋中若著函中其光明徹照於外假使舉珠出去其處續明如故般若波羅蜜者是薩芸若之慧至恒薩阿竭阿羅訶三耶三佛般泥洹去後舍利續得供養舍利者即為薩芸若之函器復次天中天若三千大千國土滿中舍利乃至恒邊沙佛刹滿中舍利合為一分般若波羅蜜經為二分我寧從二分之一中取般若波羅蜜何以故恒薩阿竭為從薩

摩訶般若波羅蜜經卷第三 第三十二品 若若生其舍利者從般若波羅蜜出自

致得供養若善男子善女人天中天欲見今現在阿僧祇刹土諸佛當奉法如般若波羅蜜行當作是念佛語釋提桓因言如是拘翼過去時恒薩阿竭阿羅訶三耶三佛皆從般若波羅蜜自致成佛甫當來恒薩阿竭阿羅訶三耶三佛悉從般若波羅蜜當自致成佛今現在无央數阿僧祇刹土諸佛亦從般若波羅蜜自致成佛釋提桓因白佛言摩訶波羅蜜天中天一切人皆翫動若波羅蜜悉了知之佛言菩薩摩訶薩用是知故晝夜行般若波羅蜜釋提桓因言所以但行般若波羅蜜不行餘波羅蜜者何佛言菩薩摩訶薩行六波羅蜜般若波羅蜜於菩薩摩訶薩為最尊若所施與般若波羅蜜為出其上誠者无所犯忍辱者為自守精進者不懈怠一心者而不亂悉見諸法是菩薩摩訶薩為行般若波羅蜜若閻浮利地上拘翼種種樹木若干種色各各異葉各各異華各各異實

佛說波羅蜜經卷第三 第五疏 河

各各異種其影者而无異即皆悉相類如是拘翼五波羅蜜為從般若波羅蜜出薩若若種種展轉相得无有異釋提桓因白佛言極大尊之德無過般若波羅蜜天中天不可計德无過般若波羅蜜天中天无有已波羅蜜天中天若有書般若波羅蜜持經卷自歸作札承事供養名華好香搗香雜香澤香燒香繒綵華蓋幢幡中復有書般若波羅蜜者持施與人其福何所為多佛言故問拘翼自恣報之若有恒薩阿竭舍利自供養復分布與他人令供養之中有自供養舍利不分布與人其福何所多者釋提桓因言是善男子善女人自供養舍利天中天復分與人其福出彼上甚多佛言如是如是拘翼善男子善女人若書般若波羅蜜持經卷自歸作札承事供養名華好香搗香雜香澤香燒香繒綵華蓋幢幡復書經卷分與他人令供養之其福甚大復次拘翼若法師在所至處說經法分教於人其功德甚大甚大

佛說波羅蜜經卷第三 第五疏 河

復次拘翼問淨利人悉是善男子善女人皆令持十善云何拘翼其福寧多不釋提桓因言甚多甚多天中天佛言不如善男子善女人書般若波羅蜜持經卷與人使書之若為人讀其福倍多復次拘翼問淨利及四天下諸小千國土二千中國土三千大千國土乃至恒邊沙佛刹人悉是善男子善女人皆令持十善云何拘翼其福寧多不釋提桓因言甚多甚多天中天佛言善男子善女人書般若波羅蜜持經卷與人使書若為人讀其福倍多復次拘翼問淨利人悉是善男子善女人皆令行四禪四諦釋提桓因言甚多甚多天中天佛言不如善男子善女人書般若波羅蜜持經卷與人使書之若為人讀其福倍甚益多復次拘翼問淨利四天下及三千大千國土乃至恒邊沙佛刹人悉是善男子善女人皆令行四禪四諦四神足及五旬悉令得成云何拘翼其福寧多不釋提桓因言甚

佛說波羅蜜經卷第三 第五疏 河

多甚多天中天佛言不如善男子善女人書般若波羅蜜持經卷與人使書之若為人讀其福轉倍復次拘翼若有人讀般若波羅蜜者復教餘人令學之其福甚倍益多復次拘翼若有人自學般若波羅蜜復為人解其慧得福轉甚倍多釋提桓因白佛言云何學般若波羅蜜解中慧者天中天佛言其不曉者為解說之若有當來善男子善女人欲得阿耨多羅三耶三善阿惟三佛者應學般若波羅蜜及得惡師教學枝掖般若波羅蜜釋提桓因問佛何謂為枝掖般若波羅蜜者佛言甬當來世有比丘欲學般若波羅蜜為惡師所及教釋提桓因言何所為及教者佛言教人學色之无常令人於色求無常作是行般若波羅蜜作無常學痛痒思想生死識於識求无常作是行般若波羅蜜拘翼是為枝掖般若波羅蜜佛言其人作壞色行求色无常壞痛痒思想生死識行於識求無常現其作是行者若有點慧當持般若波羅蜜為解之

其福轉倍益多復次拘翼故閻浮利人若善男子善女人皆令得須陀洹道云何拘翼其福寧多不釋提桓因言甚多甚多天中天佛言不如善男子善女人書般若波羅蜜持經卷與人使書之教令學若為人讀其福倍益甚多何以故須陀洹道者皆從般若波羅蜜出復次拘翼置閻浮利正使三千大千國土乃至恒邊沙佛剎人教令得斯陀舍其福寧多不釋提桓因言甚多甚多天中天佛言不如善男子善女人書般若波羅蜜持經卷與人使書之教令學若為人讀其福德益甚多何以故薩若若德成法聽故從般若波羅蜜中成得佛便出須陀洹道復次拘翼悉得斯陀舍阿那含阿羅漢道其福寧多不釋提桓因言甚多甚多天中天佛言不如是善男子善女人書般若波羅蜜持經卷與人使書之若為人讀其福甚多是以故皆從是法各各悉得是般若波羅蜜之所致何以故為薩若若法以學薩若若法便能教成須陀洹斯

陀舍阿那含阿羅漢辟支佛置閻浮利人拘翼及三千大千國土乃至恒邊沙佛剎人悉教善男子善女人皆令得成須陀洹斯陀舍阿那含阿羅漢辟支佛道云何拘翼其福寧多不釋提桓因言甚多甚多天中天佛言不如善男子善女人書般若波羅蜜持經卷與人使書之教令學若為人讀其福益倍多何以故皆從般若波羅蜜因薩若若法德用是故得須陀洹斯陀舍阿那含阿羅漢辟支佛道用是故其福轉倍益多復次拘翼閻浮利人都使發菩薩心不如善男子善女人持般若波羅蜜經卷與人使書教令學為說之若授與阿惟越致若薩經書其人當從是學深入般若波羅蜜學知般若波羅蜜者轉增益多守元極知因得成就以是故其福轉倍甚多甚多置閻浮利三千大千國土拘翼及如恒邊沙佛剎人皆發心為阿耨多羅三耶三菩行不如善男子善女人持般若波羅蜜經卷與人使書之教令學為說之及授與阿

惟越致菩薩經書使人當從是學深入般若波羅蜜學知般若波羅蜜者轉增益多守無極知因得成就以是故其福轉倍甚多復次拘翼閻浮利人皆發阿耨多羅三耶三菩行不如善男子善女人持般若波羅蜜經卷與人使書之為解說其慧令學之及授與阿惟越致菩薩摩訶薩般若波羅蜜經為解中慧其福轉倍益多置閻浮利三千大千國土乃至恒邊沙佛剎人皆發阿耨多羅三耶三菩心不如善男子善女人持般若波羅蜜經卷與人使書之教令學入點慧中若授與阿惟越致菩薩摩訶薩般若波羅蜜經為解中慧其福轉倍益多復次拘翼閻浮利人皆令如何惟越致菩薩阿耨多羅三耶三菩若有善男子善女人隨教人入般若波羅蜜中云何拘翼其福寧多不釋提桓因言甚多甚多天中天佛言從是輩中若有一菩薩便作是語我欲疾作佛正使欲疾作佛不如人入般若波羅蜜者其福轉倍益多置閻浮利三千

大千國土及至恒邊沙佛刹人皆悉

如阿惟越致菩薩阿耨多羅三藐三

善若有教善男子善女人入般若波

羅蜜中云何拘翼其福寧多不釋提

桓因言甚多其多天中天佛言若有一

菩薩從其中作是言我欲疾作佛

正使疾作佛不如持般若波羅蜜擬

與人者其福轉倍益多釋提桓因白

佛言如是如是天中天極安隱者即

菩薩摩訶薩今近佛坐持末食牀卧

具供養醫藥所當得不如持般若波

羅蜜教授人者其福轉倍益多何以

故入中天其得般若波羅蜜者今近

佛坐須菩提語釋提桓因言善哉善

我拘翼於尊弟子菩薩摩訶薩中乃

作是觀諸聲聞者因是而得成是輩

人不索佛道者菩薩摩訶薩不當於

中學六波羅蜜不學是法者不得作

佛隨法如學疾成阿耨多羅三耶三

善便得至佛

摩訶般若鈔經卷第三

秦天竺沙門曇摩羅共竺佛念譯

善權品第四

爾時弥勒菩薩謂須菩提若有菩薩

摩訶薩勤助為福出入布施持戒自

守者上其福轉尊極上無過菩薩摩

訶薩勤助福德須菩提語弥勒菩薩

復有菩薩摩訶薩阿僧祇刹土諸佛

所而作功德一刹土不可計佛

般泥洹者乃從發意已未自到阿耨

多羅三耶三菩提成至阿惟三佛者乃

至無餘泥洹界而般泥洹者然後至

于法盡於是中所作功德其功德度

元有極乃諸聲聞作布施持戒自守

為福於有餘功德自致無餘諸有般

泥洹佛於其中所作功德至有淨戒

身三昧身智慧身以脫身脫慧所見

身佛法極大哀不可計佛天中天所

說法於其法中復學諸所有功德乃

於諸般泥洹佛法所作功德都計之

合之勤助為尊種種德中為極是上

極勤助者是為勤助勤助以持作阿

摩訶般若鈔經卷第三

秦天竺沙門曇摩羅共竺佛念譯

三耶三菩提置是菩薩之人持心能作

是求阿耨多羅三耶三菩提乃生作是

心欲有所得弥勒菩薩語須菩提其

不作是求乃能有所得其作是思想

者以為無點能生是意用思想悔還

用信悔還但用無點故還墮四顛倒

无常謂有常苦謂有樂空謂有實无

身謂有身以故思想悔還心悔還信

悔還菩薩不當作是心有求求於所

求無處所云何求阿耨多羅三耶三

菩提弥勒菩薩謂須菩提不當於新學

菩薩摩訶薩前說是語何以故或亡

所信亡所樂亡所喜亡所行便從是

墮當為是菩薩摩訶薩可說聞者在

善師邊者當為是菩薩摩訶薩可說

聞者不恐不怖不畏是菩薩摩訶薩

能勤助為福作菩薩若持心作是勤

助心亦盡滅无所有無所見何等心

當作阿耨多羅三耶三菩提者當以何

心作心無兩對心之自然乃能所作

摩訶般若鈔經卷第三

已亥歲高麗國大藏部監製

勅彫造

作功德者當去何勸助其福得作阿  
耨多羅三耶三菩提菩提語亦勒苦  
薩當作護諸佛所破壞眾惡而斷愛  
欲等行如一降伏魔事棄捐重擔即  
自從所有勤苦悉為以盡其知以脫  
心即從計從阿僧祇刹土諸般泥日  
者於其中所作功德福於諸聲聞中  
復作功德都計之合之勸助為尊種  
種德中無過勸助其勸助者能為勸  
助勸助以持作阿耨多羅三耶三菩  
何所是菩薩摩訶薩想不還所信不  
悔還正使菩薩摩訶薩持心作阿耨  
多羅三耶三菩提其心無所想者是菩  
薩摩訶薩心得阿耨多羅三耶三菩  
正使心念自了知是為想悔還心悔  
還所信悔還正使心念復知是心則  
是作是為想悔還信悔還正使菩薩  
摩訶薩持心了知當作是覺知盡無  
所有知盡者當知何心有所作當了  
知心何所心法於法有所作如法者  
為隨法已於作真為是作即非邪作  
是菩薩摩訶薩所作若有菩薩摩訶  
薩於過去當來今現在佛所作功德

若諸聲聞下至九人所作功德若畜  
生聞法及諸天諸閻叉軋多羅阿須  
倫迦留羅真陀羅摩睺勒諸人若非  
人間法者發心所作功德及初學菩  
薩道者都計之合之積累為上其勸  
助者能為勸助是以極尊種種德中  
無過勸助是以勸助所當勸助能為  
勸助福用作阿耨多羅三耶三菩提  
使復如是為盡法於法無所生無所  
滅無所慶法無所生法得作阿耨多  
羅三耶三菩提是法不了法有反用作  
阿耨多羅三耶三菩提故是為无想不  
悔還心亦不悔還所信不悔還作是  
無所求眾所不逮是為阿耨多羅三  
耶三菩提所作若有菩薩摩訶薩不諦  
曉了知作福德者所以者何於身恍  
忽於勸助福亦復恍忽菩薩了知恍  
忽无所有是故菩薩摩訶薩般若波  
羅蜜若於諸般泥洹佛所而作功德  
持是功德欲作所求其知自然能為  
阿耨多羅三耶三菩提者佛天中天所  
着不着想過去以滅亦无有想而不  
作想其作想者為非德菩薩摩訶薩

當學誼和拘舍羅未得般若波羅蜜  
者不得入已得般若波羅蜜乃得入  
勿為身作識用之有滅以是故无有  
身身有德之人有想便尋反欲苦住  
恒薩阿竭阿羅訶三耶三菩提不學作  
是德持勸助何以故用不正故視般  
泥日佛而反有想以故為尋所作功  
德為不及逮及欲苦住其不作想者  
是恒薩阿竭阿羅訶三耶三佛之德  
其作想者辟若雜毒何以故設美飯  
以毒著中色大甚好而香无不喜者  
不知飯中有毒愚闇之人食之歡喜  
飽滿食欲消時久久不使身不知德  
行者甚之為難不曉將護不曉中事  
不能解知作是行德者為如雜毒之  
言語善男子過去當來今現在佛持  
戒身三昧身智慧身以脫身脫慧所  
見身及於聲聞中所作功德佛天中  
天所說若復辟支佛所而作功德都  
勸助之勸助以持是福德作阿耨多  
羅三耶三菩提所作為想用是故辟  
若雜毒菩薩摩訶薩當作是學何所  
過當來今現在佛功德當去何勸

摩訶般若經卷第三 第七段 河

宗

摩訶般若經卷第三 第七段 河

摩訶般若經卷第三 第八段 河

宗

助作福成得阿耨多羅三耶三菩是  
 菩薩隨但薩阿竭教者是即為作智  
 佛功德所生自然及其想法所有持  
 是福作勤助因其勤助自致得阿耨  
 多羅三耶三菩菩薩摩訶薩作是施  
 者無過終不離恒薩阿竭阿羅訶三  
 耶三佛佛所語皆至誠復次菩薩摩  
 訶薩當作是施如淨戒如三昧如智  
 慧如以脫如脫慧所見身无欲界無  
 色界无無色界亦无過去當來今現  
 在亦無所有无所有施亦復無所有  
 其作是施為以如法亦无所有作  
 施者為成所施无有毒其作異施者  
 為作反施是菩薩摩訶薩所施以如  
 法者佛天中天所知是即為施得作  
 阿耨多羅三耶三菩佛言善哉善哉  
 須菩提所作為如佛是即為菩薩摩  
 訶薩所施三千大千國土人悉念慈  
 哀等護心无過菩薩摩訶薩上頭所  
 施是即為極尊復次須菩提三千大  
 千國土人悉作阿耨多羅三耶三菩  
 使如恒邊沙佛刹人皆供養是菩薩  
 震越衣被飯食牀卧具病瘦醫藥如

恒邊沙劫供養隨所意樂作是布施  
 云何須菩提其福寧多不須菩提言  
 甚多甚多天中天佛言勤助功德福  
 過其上不可計須菩提白佛言代勤  
 功德福者如恒邊沙佛土不能悉受  
 佛言善哉善哉須菩提若有菩薩持  
 般若波羅蜜者所作施為過其本所  
 施上以無能過勤助所施上百倍千  
 倍万倍億倍巨億倍尔時四天王天  
 上二万人悉以頭面著佛足皆白  
 佛言極大施天中天菩薩摩訶薩遍  
 和拘舍羅乃作是施其功德甚大尊  
 何以故是菩薩摩訶薩學般若波羅  
 蜜於中勤助故切利天上諸天人持  
 天華名香擣香雜香澤香燒香天繒  
 華蓋幢幡伎樂持用供養娛樂佛供  
 養已皆白佛言極大施天中天菩薩  
 摩訶薩遍和拘舍羅乃作是施極大  
 施之功德何以故是菩薩摩訶薩學  
 般若波羅蜜於中勤助故鹽天上諸  
 天人持天華名香擣香雜香澤香燒  
 香天繒華蓋幢幡伎樂持用供養娛  
 樂佛供養已皆白佛言極大施天中

天菩薩摩訶薩遍和拘舍羅乃作是  
 施極大德之功德何以故是菩薩摩  
 訶薩學般若波羅蜜於中勤助故梵  
 率天上諸天人以天華名香擣香雜  
 香澤香燒香天繒華蓋幢幡伎樂持  
 用供養娛樂佛供養已皆作是言極  
 大施天中天菩薩摩訶薩遍和拘舍  
 羅乃作是施極大德之功德何以故  
 是菩薩摩訶薩學般若波羅蜜於中  
 勤助故尼摩羅提天上諸天人持天  
 華名香擣香雜香澤香燒香天繒華  
 蓋幢幡伎樂持用供養娛樂佛供養  
 已皆白佛言極大施天中天菩薩摩  
 訶薩遍和拘舍羅乃作是施極大尊  
 之功德何以故是菩薩摩訶薩學般  
 若波羅蜜於中勤助故波羅尼蜜和  
 耶拔致天上諸天人持天華名香擣  
 香雜香澤香燒香天繒華蓋幢幡  
 伎樂持用供養娛樂佛供養已皆白  
 佛言極大施天中天菩薩摩訶薩遍  
 和拘舍羅乃作是施極大尊之功德  
 何以故是菩薩摩訶薩學般若波羅  
 蜜於中勤助故梵天梵迦夷天梵福

樓天梵波利產天蘊天波利陀天蘊  
波摩那阿波論天首訶天波利首  
訶天阿波摩首天首訶迦天比伊潘  
羅天阿比耶天須施施天尼天乃至  
阿迦膩吒天等諸天人悉以頭面著  
佛足皆言甚善天中天菩薩摩訶薩  
學般若波羅蜜極為大施之功德何  
以故是菩薩摩訶薩學般若波羅蜜  
於中勤助故佛語首陀衛諸天人置  
三千大千國中菩薩摩訶薩及恒  
邊沙佛刹人悉作阿耨多羅三耶三  
菩復有恒邊沙佛刹人都共供養是  
輩菩薩摩訶薩震越衣服飯食去來  
卧具病瘦醫藥供養如恒邊沙劫隨  
所樂喜作是施與若復過是者不及  
菩薩摩訶薩勤助之施為過去當來  
今現在佛淨戒身三昧身智慧身以  
脫身脫慧所見身及諸聲聞身其中  
者所作功德都共計之合之不及勤  
助若勤助者以是極尊无能過者作  
是勤助以持作阿耨多羅三耶三菩  
須菩提白佛言屬天中天所說都共  
計之合之極尊無過勤助悉代勤助

勤助已菩薩摩訶薩從是中得何等  
法佛語須菩提道德之人當知過去  
當來今現在法無所取亦无所捨亦  
無所知亦无所得其法者為無所生  
法亦无所滅法者亦無從生法亦  
無所從滅於法中了无有生者法亦  
无所從有而滅是者法之所法我代  
勤助之是為勤助作是施者疾得作  
阿耨多羅三耶三菩是故須菩提菩  
薩摩訶薩勤助為尊復次須菩提菩  
薩摩訶薩於過去當來今現在佛所  
代作布施者勤助代持戒忍辱精進  
一心智慧而勤助之代以脫者勤助  
之代脫慧所見身勤助之作是代勤  
助其脫者是為布施其脫者是為忍  
辱其脫者是為精進其脫者是為一  
心其脫者是為智慧其脫者是為脫  
慧其脫者是為脫慧所見身其脫者  
是為以脫其脫者代其勤助其脫者  
是為法是故當來未有如其脫者令  
阿僧祇刹土諸佛天中天現在者其  
脫者是即諸佛弟子其脫者以過去  
諸佛弟子其脫者今現在諸佛弟子

於是法中無縛无者無脫如是法者  
持作阿耨多羅三耶三菩所施為從  
中無有能過者无有能壞者是者須  
菩提菩薩摩訶薩勤助之為尊如恒  
邊沙佛刹中菩薩悉壽如恒邊沙劫  
恒邊沙佛刹人都悉供養諸菩薩摩  
訶薩震越衣服飲食卧具病瘦醫  
藥乃至恒邊沙劫須菩提皆持戒忍  
辱於精進而不懈於禪悉得三昧百  
倍千倍万倍若干巨億万倍不如勤  
助功德福最尊出其上  
摩訶般若波羅蜜地獄品第五  
舍利弗白佛言般若波羅蜜者多所  
成天中天因般若波羅蜜无不得字  
者天中天般若波羅蜜為極照明天  
中天般若波羅蜜為去冥天中天般  
若波羅蜜者无所著天中天般若波  
羅蜜為極尊天中天無目者般若波  
羅蜜為作眼天中天其迷惑者般若  
波羅蜜悉授道路天中天薩芸若者  
即般若波羅蜜是天中天般若波羅  
蜜者是菩薩摩訶薩母天中天无所  
生无所滅即般若波羅蜜是天中天

摩訶般若經卷第三 第十四 河

摩訶般若經卷第三 第十三 河

摩訶般若經卷第三 第十四 河

具足三合十二法輪為轉是般若波羅蜜天中天般若波羅蜜其困苦者悉安隱之天中天般若波羅蜜於生死作護天中天般若波羅蜜於一切法悉皆自然菩薩摩訶薩當云何於般若波羅蜜中住天中天佛語舍利弗世多羅者因般若波羅蜜住其敬佛者當自歸般若波羅蜜釋提桓因心念尊者舍利弗何因發是問即時釋提桓因謂舍利弗何因尊者乃作是問舍利弗謂釋提桓因拘翼般若波羅蜜者是菩薩護因其勸助功德福持作薩芸若過菩薩之所作為若布施持戒忍辱精進禪上辟若如人從生而盲若百人若千人若萬人若千萬人无有前導欲有所至若欲入城者不知當如何如是拘翼五波羅蜜者亦如盲無所見離般若波羅蜜者如是欲入薩芸若中不知當如何行般若波羅蜜即五波羅蜜之護悉與眼目般若波羅蜜者是護令五波羅蜜各得名字舍利弗白佛當云何守入般若波羅蜜中佛語舍利弗色者

不見所入痛痒思想生死識亦不見所入視五陰亦不見所入是為守般若波羅蜜如是者天中天以為守般若波羅蜜作是守者為逮何法佛語舍利弗無所守是為逮法守為般若波羅蜜釋提桓因白佛言般若波羅蜜不逮薩芸若者亦不能得逮亦不逮守於生死亦无所逮當云何逮天中天佛言無所逮故能為逮釋提桓因言少有及者天中天如般若波羅蜜於諸法諸法无生無所滅當何所住無有住須菩提白佛言菩薩或時作是念便離般若波羅蜜佛語須菩提儻有所因便念般若波羅蜜知般若波羅蜜空无所有無近无遠是故為菩薩摩訶薩般若波羅蜜須菩提白佛言般若波羅蜜者為信何法佛語須菩提信般若波羅蜜者為不信色亦不信痛痒思想生死識有不信須陀洹道不信斯陀舍阿那舍阿羅漢辟支佛道須菩提白佛言摩訶薩波羅蜜者天中天即般若波羅蜜是佛謂須菩提云何知摩訶薩波羅蜜因

般若波羅蜜是須菩提於色无大無小不以色為證亦不為色作證痛痒思想生死識亦无大无小於識不以為證亦不為識作證便於恒薩阿竭阿羅訶三耶三佛致十種力即不復為弱薩芸若無廣无狹何以故無廣无狹薩芸若知於般若波羅蜜无所行所以者何般若波羅蜜无所若有若人若於中有所求謂有所有是則為大非何以故人無所生般若波羅蜜與人俱皆自然人恍惚故般若波羅蜜俱不可計人亦不壞般若波羅蜜亦如是人如般若波羅蜜者便得成至阿惟三佛人亦有力故恒薩阿竭現而有力舍利弗白佛言般若波羅蜜甚深甚深天中天若有菩薩摩訶薩信般若波羅蜜者不說其中短亦不狐疑其人從何所來生是間為行菩薩道已來幾聞解般若波羅蜜事隨教入中者佛語舍利弗從他方佛剎來生是間是菩薩摩訶薩於他方供養佛已從受決聞般若波羅蜜故以是復聞般若波羅蜜念言我如

見佛無異須菩提白佛言般若波羅蜜可得見聞不佛言不可得見須菩提白佛言是菩薩隨深般若波羅蜜者行已來為幾聞佛語須菩提是非一輩學各各有以供養若干百佛若干千佛悉見已於其所皆行清淨戒已若有於象中間般若波羅蜜棄捨去為不敬菩薩摩訶薩法佛說深般若波羅蜜其人棄捨去不欲聞之何以故是人前世時聞般若波羅蜜用棄捨去故亦不以身心是皆无知之人所致用是罪故若聞深般若波羅蜜復止人不令說之止般若波羅蜜者為止薩若若其止薩若若者為止過去當來今現在佛用是斷法罪故死入大泥犁中若干百千歲若干億萬歲當受若干泥犁毒痛甚不可言其中壽盡轉生他方摩訶泥犁中其壽復盡展轉到他方摩訶泥犁中生舍利弗白佛言其罪為墮五逆惡佛謂舍利弗其罪雖喻不可引辟若諷誦讀深般若波羅蜜時其心疑於法者亦不肯學念是言非但薩阿竭所

說止他人言莫得學是為以自壞復壞他人自飲毒已復飲他人毒是輩人為以自亡失復失他人自不曉知深般若波羅蜜轉復壞他人是曹人者不當見之舍利弗不當與共坐起言語飲食何以故是曹之人誹謗法者自在冥中復持他人著冥中其人自毒煞身無異斷法之人所語有信者用其言者其所受罪俱等元有異所以者何用誹謗佛語故誹謗般若波羅蜜者為悉誹謗諸法已舍利弗白佛言願聞誹謗法者受形何等像類許不知其身大如佛謂舍利弗是誹謗法人儻間是事其人涕血便從面孔出或恐便死因是被大痛其人聞之心便愁毒而消盡辟若斷華者日中即為萎枯舍利弗言願為人故當說之令知其身受形云何當為後世人作大明其有聞者畏懼當自念我不可誹謗斷法如彼人佛語舍利弗是為亦入之大明以所因罪受其身甚大醜惡極勤苦矣屢誠不可說其苦痛甚大而久劇是善男

子善女人聞是語自足以不敢復誹謗須菩提白佛言善男子善女人聞是人但坐口所言乃致是罪佛語須菩提是愚癡之人於我法中作沙門反誹謗般若波羅蜜言非道止般若波羅蜜為者止佛菩薩以止佛菩薩者為斷過去當來現在佛菩薩若已斷薩若若者為斷法以斷法者為斷比丘僧以斷比丘僧者為受不可計阿僧祇之罪須菩提白佛言若有斷般若波羅蜜者天中天為幾事佛語須菩提以為魔所中是善男子是善女人不信不樂用是二事故能斷深般若波羅蜜復次須菩提斷般若波羅蜜者復有四事何謂四事隨惡師所言不隨順學不承至法主行誹謗索人短自貢高是為四事須菩提白佛言少有信般若波羅蜜者天中天不曉了是法故佛語須菩提如是如是少有信般若波羅蜜者不曉法故須菩提言云何深般若波羅蜜少有信者佛語須菩提色無著无縛無解何以故色之自然為色痛痒思想生

摩訶般若經卷第三 第十八 頌 空

死識無者無縛無脫何以故識之自然為識過去色无者無縛無脫何以故過去色之自然故當來色無者无縛無脫何以故當來色之自然色故今現在色無者无縛無脫何以故色之自然色故過去痛痒思想生死識無者无縛無脫何以故過去色之自然故當來識无者無縛無脫何以故當來識之自然故今現在識无者無縛無脫何以故識之自然故用是故須菩提般若波羅蜜甚深少有信者摩訶般若波羅蜜清淨品第六須菩提白佛言般若波羅蜜少有曉者將不狎習故佛語須菩提如是如是般若波羅蜜少有曉者用是不狎習之所致何以故須菩提色清淨道亦清淨故言色清淨道亦清淨痛痒思想生死識亦清淨故言道亦清淨是故識亦清淨復次須菩提色清淨菩薩若亦清淨色亦清淨是故色清淨菩薩若亦清淨等無異今不斷前前不斷後故无壞以是故前為不斷舍利弗白佛言清淨者天中天為甚

摩訶般若經卷第三 第十九 頌 空

深佛言甚清淨舍利弗言清淨為極明天中天佛言甚清淨舍利弗言清淨無有垢天中天佛言甚清淨舍利弗言清淨无取微天中天佛言甚清淨舍利弗言清淨无所有天中天佛言甚清淨舍利弗言於欲无所欲清淨天中天佛言甚清淨舍利弗言於色而无色清淨天中天佛言甚清淨舍利弗言無所生為色甚清淨天中天佛言甚清淨舍利弗言於有智而无智甚清淨天中天佛言甚清淨舍利弗言於智者而无智者甚清淨天中天佛言甚清淨舍利弗言於色而有智无有者甚清淨天中天佛言甚清淨舍利弗言於痛痒思想生死識而無有智无有智者甚清淨天中天佛言甚清淨舍利弗言般若波羅蜜甚亦清淨天中天佛言甚清淨舍利弗言甚清淨天中天佛言甚清淨舍利弗言般若波羅蜜甚清淨於諸法无所取天中天佛言甚清淨須菩提白佛言我者清淨色亦清淨天中天佛言本清淨須菩提言故曰我清淨痛痒思想

摩訶般若經卷第三 第二十 頌 空

生死識亦清淨天中天佛言本清淨須菩提言我清淨道亦清淨天中天佛言本清淨須菩提言我者清淨菩薩若亦清淨天中天佛言本清淨須菩提言我者清淨無端緒天中天佛言本清淨須菩提言我者清淨无有邊色亦清淨无边天中天佛言本清淨須菩提言我者无有邊痛痒思想生死識亦无有邊天中天佛言本清淨須菩提言曉知清淨者即菩薩摩訶薩般若波羅蜜是佛言本清淨須菩提言般若波羅蜜者亦不在彼亦不在是亦不離是亦不在中間天中天佛言本清淨須菩提白佛言菩薩摩訶薩知是者為行般若波羅蜜有想者便離般若波羅蜜遠已佛言善哉善哉須菩提有字者便有想以想故者須菩提白佛言難及波羅蜜天中天安隱於著舍利弗言問須菩提提何所為著須菩提言知色空者是日為著知痛痒思想生死識空是日為著於過去法知過去法是日為著於當來法知當來法是日為著於現

在法知現在法是日為著知法者為得大功德發意菩薩是即為著釋提桓因問須菩提何謂為著須菩提心知拘翼持是知心施與作阿耨多羅三耶三菩心者本清淨能可有所作善男子善女人其菩薩者勸人教人為阿耨多羅三藐三菩為說正法自於身無所失於佛種有所造是善男子善女人以離諸著為棄本際佛言善哉善哉須菩提今菩薩摩訶薩知本際為覺著事復次須菩提有著甚深微妙我今說之諦聽諦聽上中下言悉善須菩提白佛言願樂欲聞佛言若善男子善女人於但薩阿竭阿羅訶三耶三佛念欲作想隨所想是故為著過去當來今現在佛天中天於無餘法代勸助之是為勸助阿耨多羅三耶三菩於法者而無法故曰無過去當來今現在以是不可有所作亦不可有想亦不可作因緣有不可見聞不可知須菩提白佛言其本甚深清淨天中天佛言本清淨須菩提言今自歸般若波羅蜜佛言法无

作者故得成阿惟三佛須菩提言諸法實無作阿惟三佛者佛語須菩提无有兩法用之本淨故曰為一其淨者於一切亦无作者佛語須菩提是以離諸著為棄本際須菩提白佛言般若波羅蜜者難了天中天佛言如是無有得阿惟三佛者須菩提言般若波羅蜜不可計天中天佛言如是須菩提非心之所知須菩提言為无有作者天中天佛言無有作者故無所著須菩提白佛言菩薩當云何行般若波羅蜜佛言不想痛痒思想生死識行為行般若波羅蜜色不滿色行為行般若波羅蜜色不滿為非色行為行般若波羅蜜痛痒思想生死識不滿為行般若波羅蜜須菩提白佛言難及天中天於著无所著是實為不著佛言不著色者為行般若波羅蜜不著痛痒思想生死識行為行般若波羅蜜是為菩薩摩訶薩行般若波羅蜜於色為不著於痛痒思想生死識為不著於須陀洹斯陀含阿那含阿羅漢辟支佛道亦不著所以者

何以過諸著故復出薩芸若中是為般若波羅蜜須菩提白佛言所說法甚深難逮天中天若所說不增不說者亦不減佛言如是如是須菩提若但薩阿竭盡壽稱譽言空空亦不增若不稱譽言亦不減聞善亦不喜聞惡不憂如是須菩提於法各各諷誦學之法亦不增不減須菩提白佛菩薩摩訶薩甚憊苦行般若波羅蜜若有守般若波羅蜜者不懈不恐不怖不動不還以何故守般若波羅蜜者為守空故一切皆當為菩薩摩訶薩作礼用被僧那大鎧故與空共戰為一切人故著僧那為一切人故而舉空是菩薩摩訶薩為極大勇猛天中天用空法故自致阿耨多羅三耶三菩得成阿惟三佛有異比丘心念之當自歸般若波羅蜜為無所生法亦為无所滅法釋提桓因語須菩提菩薩隨般若波羅蜜教者為隨何教須菩提言為隨空教釋提桓因言何所隨空教者須菩提言其欲寂

摩訶般若鈔經卷第三末 第五波羅

靜者是菩薩摩訶薩為知般若波羅蜜者。天中天當護幾何。問須菩提謂釋提桓因云。何拘翼能見法。當所護者。不而言欲護之。釋提桓因言。不須菩提。言隨般若波羅蜜教作者。是為以得護。若人若非人。終不得其便。須菩提言。若菩薩摩訶薩。護空者。為隨般若波羅蜜行。已云。何拘翼能可護。響不釋提桓因言。不能須菩提言。如是拘翼菩薩摩訶薩。行般若波羅蜜者。其法亦如響。以知是者。亦復無想。以無想念。為行般若波羅蜜。用佛威神。三千大千國土。諸四天王。諸釋梵及諸尊天。一切皆來到佛所前。為佛作禮。逮竟三匝。各住一面。諸天。天王。釋梵。悉承佛威神。念諸千佛。皆字釋迦文。其比丘者。皆字須菩提。問般若波羅蜜者。皆如釋提桓因。

摩訶般若鈔經卷第三

摩訶般若鈔經卷第四

奉天至沙門曇摩野共生佛念譯

河

本無品第七

須菩提。白佛言。諸法隨次者。天中天。是為法語。故曰。無所損。諸法者。為無有端。其法相者。為無所尋。如空法者。為無所生。諸所生。不可得。是為法生。故無所得。諸欲諸梵天子。俱白佛言。其寂者。即佛弟子。今尊者。須菩提。所說者。悉空。須菩提。語諸天子言。為隨。但薩阿竭教。佛言。云。何須菩提。知隨。但薩阿竭教。須菩提。復言。如但薩阿竭。本無。是為但薩阿竭教。諸過去。當來。現在。悉為本無。佛言。隨本無者。為隨但薩阿竭教。諸法。亦本無。如諸法。本無。但薩阿竭。亦本無。一切本無。悉為本無。是為須菩提。以隨但薩阿竭教。無有異。隨本無者。是為但薩阿竭教。不異。有異。隨但薩阿竭者。為隨本無。本無。無者。是為但薩阿竭。立須菩提之所。立為隨但薩阿竭教。如但薩阿竭。本無。無所尋。諸法。亦本無。無。

摩訶般若鈔經卷第四 第七波羅

諸法

所尋是者。須菩提。為隨但薩阿竭教。以如但薩阿竭。本無者。於法。亦本無。一本無等。無異我者。亦無作者。本無亦無作者。一切皆本無。亦復元本無。如本無。本無我者。亦不故。須菩提。為隨但薩阿竭教。如但薩阿竭。本無。不異。元有異。是故。諸法。亦本無。不異。無有異。是為但薩阿竭。本無。亦不壞。亦不腐。不可得。是者。須菩提。為隨但薩阿竭教。但薩阿竭。與諸法。俱本無。元異。亦無異。本無。亦不有異。本無。悉皆是。本無。如須菩提。所隨者。以入不可計。人亦復元所入。是為隨但薩阿竭教。但薩阿竭者。是為本無。亦不過去。當來。今現在。及諸法。悉皆本無。故亦無過去。當來。今現在。如是者。須菩提。為隨但薩阿竭教。以如來。本無者。即日。但薩阿竭教。但薩阿竭者。即是本無。當來。亦本無。過去。亦本無。現在。亦本無。以隨過去。本無。但薩阿竭教。是為本無。以隨當來。本無。但薩阿竭教。是為本無。以隨現在。本無。但薩阿竭教。是為本無。以如過去。當來。今現在。

本無但薩阿竭教是為本元以如過去當來今現在本無但薩阿竭教是為本無等无異如諸法本無是者須菩提等無異為隨但薩阿竭教等无異是為真菩薩之本無自致阿惟三佛亦俱等本無以如本无者便得本无如來名地即為六及震動但薩阿竭因是本無而得成是故須菩提為隨但薩阿竭教復次須菩提為不隨色為不隨痛痒思想生死識亦不隨須陀洹道亦不隨斯陀舍阿那含阿羅漢辟支佛是者須菩提為隨但薩阿竭教舍利弗自佛言本無者甚深天中天佛言如是本无實甚深說本无時三百比丘皆得阿羅漢五百比丘尼皆得須陀洹道五百諸天及人悉逮得无所從生法樂忍六十菩薩皆得阿羅漢道佛語舍利弗是輩菩薩供養過去五百佛已皆作施與護於淨戒成於忍辱所作精進定足於禪以不得般若波羅蜜和拘舍羅雖是菩薩摩訶薩有道意入空無相无願離於濕和拘舍羅者便中道為

本際作證得聲聞辟如有大鳥舍利弗其身若四千里若八千里若万二千里若万六千里若三万里從切利天上欲來下至閻浮利地是鳥而无翅及從切利天上自投來下去何舍利弗是鳥欲中道還上切利天上寧能還不舍利弗言不能天中天佛言是鳥來下至閻浮利地欲令其身不痛寧能使不痛舍利弗言不能天中天其鳥來下身不得不痛若死若當問極何故其身甚大而又無翅佛言如是舍利弗正使菩薩摩訶薩如恒邊沙劫作布施護於淨戒成於忍辱所作精進定足於禪發心甚大欲惣攬一切成阿惟三佛不得般若波羅蜜和拘舍羅者便中道墮落在聲聞辟支佛道地如是舍利弗菩薩摩訶薩於過去當來今現在佛所為不持戒三昧若智慧若脫慧若見慧而反作想是為不持但薩阿竭戒三昧智慧若脫慧若見慧為不知但薩阿竭故而曉知但聞空聲想之如所聞持欲作阿耨多羅三耶三善會不能

得便中道在聲聞辟支佛道地何以故如是為不得般若波羅蜜和拘舍羅故舍利弗自佛言我念佛之所說其離般若波羅蜜和拘舍羅者便不能自致阿耨多羅三耶三善若有菩薩摩訶薩欲得阿耨多羅三耶三善阿惟三佛者當默學般若波羅蜜和拘舍羅諸欲天諸色天子俱自佛言般若波羅蜜者甚深難曉難了泊然者不得阿耨多羅三耶三善佛語諸天子言如是般若波羅蜜者甚深難曉了泊然不得阿耨多羅三耶三善須菩提自佛言般若波羅蜜者難曉了天中天如我念是慧其為泊然者乃能得阿耨多羅三耶三善何以故亦不於是得有得阿惟三佛者故曰法空无作阿惟三佛用法空故於法亦不能得當作阿惟三佛者故諸法悉空於法无所有是為法語無作阿惟三佛故曰法空無作阿惟三佛者亦无得阿惟三佛者其念一切諸法悉空隨是者天中天而泊然得阿耨多羅三耶三善成阿惟三佛舍

摩訶般若波羅蜜經 第六卷 阿

利弗謂須菩提如所說者泊然得阿  
耨多羅三耶三菩是為甚難何以故  
空不念我當作阿耨多羅三耶三菩  
成阿惟三佛如是法者易得阿惟三  
佛何以故如恒邊沙等菩薩云何轉  
還須菩提言當作是知不為泊然者  
難得阿耨多羅三耶三菩須菩提謂  
舍利弗用色還不作阿耨多羅三耶  
三菩答言不用痛痒思想生死識還  
不作阿耨多羅三耶三菩答言不能  
有異色得法還不作阿耨多羅三耶  
三菩答言不能有異痛痒思想生死  
識得法還不作阿耨多羅三耶三菩  
答言不色本無寧還不作阿耨多羅  
三耶三菩答言不痛痒思想生死識  
本无寧還不作阿耨多羅三耶三菩  
答言不云何舍利弗能有異色本無  
於法得還不作阿耨多羅三耶三菩  
答言不能有異痛痒思想生死識本  
无於法得還不作阿耨多羅三耶三  
菩答言不云何舍利弗本無為還不  
作阿耨多羅三耶三菩答言不能有  
異本无於法得還不作阿耨多羅三

摩訶般若波羅蜜經 第七卷 阿

耶三菩答言不設於是法不得何所  
法還者作阿耨多羅三耶三菩舍利  
弗謂須菩提如所說法無有菩薩還  
者須菩提言菩薩之人而有三德是  
恒薩阿竭所說一者佛行菩薩而不  
計三如須菩提所言分釋文陀尼弗  
語舍利弗須菩提所說一道者而當  
問之舍利弗謂須菩提欲問所說一  
道佛行菩薩事須菩提欲問所說一  
道佛行菩薩事須菩提言云何舍利  
弗於本無中能見三道是為聲聞辟  
支佛佛語舍利弗言不見本无中得  
二事者須菩提言云何舍利弗本無  
者為一不是故日得若菩薩摩訶薩  
聞本无心不懈怠是菩薩摩訶薩會  
致至菩薩佛言善哉善哉須菩提如  
所說無異悉佛威神之所致是為菩  
薩摩訶薩本无有異若菩薩心不  
懈怠會至菩薩舍利弗白佛言何謂  
為菩薩佛語舍利弗成阿耨多羅三  
耶三菩則是須菩提白佛何謂菩薩  
摩訶薩欲成者云何住佛言觀一切  
人皆等其心不異无有害意以慈心

摩訶般若波羅蜜經 第八卷 阿

向人若身无異其心柔軟其心如哀  
其心无瞋恚无所寻心無所燒心規  
之若父母無異是心菩薩摩訶薩所  
住當作是學  
摩訶般若波羅蜜經 第八卷 阿  
須菩提白佛言阿惟越致菩薩摩訶  
薩當何以比觀其相行知是為阿惟  
越致菩薩摩訶薩佛語須菩提於九  
人及聲聞辟支佛乃至恒薩阿竭道  
地聞悉本無而不動搖亦无有異於  
其法亦本无是為本無於不動搖是  
即為度如所聞不轉亦不有疑亦不  
言是亦不言非如本無者為无所失  
其所語不輕不說他事但說中正他  
人有所作亦不觀視如是以觀其相  
行具足知是即阿惟越致菩薩摩訶  
薩復次須菩提阿惟越致菩薩摩訶  
薩者不形沙門婆羅門面類是為沙  
門是為婆羅門所見知悉諦了終不  
祠祀跪拜餘天不持華香而奉上之  
如是比觀其相行具足知是即阿惟  
越致菩薩摩訶薩復次須菩提阿惟  
越致菩薩摩訶薩終不生惡處不作

婦人如是比觀其相行具足知是即阿惟越致菩薩摩訶薩復次須菩提阿惟越致菩薩摩訶薩終不離十善身自不煞教人不煞身自不盜不婬決不兩舌不惡口不妄言不綺語不妬嫉不貪餘不疑亂身自作正教人守正是為十善又於夢中自護不失十善是為阿惟越致菩薩摩訶薩於夢中面自見十善如是比觀其相行具足知是即阿惟越致菩薩摩訶薩復次須菩提阿惟越致菩薩摩訶薩心所學法持欲安隱一切人悉為說法是為法施令一切皆得法所是即為法施於一切如是比觀其相行具足知是即阿惟越致菩薩摩訶薩復次須菩提阿惟越致菩薩摩訶薩若王者為人之雄持所知名慧聞說深法終不有疑不有疑不言不信所言柔軟所語如蜜復少睡卧出入行步其心不亂徐行安步舉足蹈地擇地而行及所被服衣中無蚤常而淨潔无有塵垢亦無有憂身中都无八十種垂所以者何是菩薩摩訶薩所有

功德過出世間功德上稍稍欲成滿其功德轉倍故其身清淨心亦清淨須菩提自佛云何天中天菩薩摩訶薩心清淨當何以知佛語須菩提菩薩摩訶薩所作功德轉倍益多稍稍極上其心自在而无所尋其功德悉遠心故清淨過聲聞辟支佛道地是為菩薩摩訶薩心清淨如是比觀其相行具足知是即阿惟越致菩薩摩訶薩復次須菩提阿惟越致菩薩摩訶薩不求財物若供養者无有慳貪說深法時無有厭極正作在知其欲聞深法者持般若波羅蜜為說之其有作餘道若世事者持般若波羅蜜主為正之其不解者以般若波羅蜜便為解之如是比觀其相行具足知是即阿惟越致菩薩摩訶薩復次須菩提至者弊魔便來致所化作八大泥犁一泥犁化有若干百千菩薩便指示言是輩人者皆從佛受法已皆是阿惟越致今悉墮泥犁中皆佛之所授法設若作阿惟越致受法已者當疾悔之我非阿惟越致設若言介者便不

入泥犁當生天上佛語須菩提設心不動者是阿惟越致菩薩摩訶薩佛言我所語者无有異設當生惡處者佛語為有異如是比觀其相行具足知是即阿惟越致菩薩摩訶薩復次須菩提弊魔化作沙門若用被服到菩薩摩訶薩所言若前從我所聞從我所受今悉棄捨皆不可用若今當自悔其過若疾悔之隨我言者我日自來問許若設不用我言者我終不復來相視若莫復說是語非佛所說是皆他餘外道之造作今我所語是佛所說佛言聞是說而動轉者當知其人不從過去佛受法來在菩薩摩訶薩舉中多有菩薩摩訶薩未入阿惟越致其界設不動轉者念法无有生死念无有生死信他人言辭若比丘得羅漢者不隨他人所言眼悉見法以為作證是為無所有終不可動是菩薩摩訶薩亦不可動如聲聞辟支佛道地所念法眾不復還是菩薩摩訶薩正向薩若若不可復還用是比觀其相行具足知是即阿惟越

摩訶般若經卷第廿一 第五

摩訶般若經卷第廿一 第五

摩訶般若經卷第廿一 第五

致菩薩摩訶薩復次須菩提。魔到菩薩摩訶薩所化作異人。若所求者甚為勤苦。非薩若若行若致負。是勤苦為若用。是勤苦為作不當。自還取耶當復。於何所更索。是驅汝何不早取。羅漢用佛為求耶。佛言。設不動轉者。弊魔復棄捨去。更為方略。化作若干菩薩。在其邊立。復生指語之。若見是菩薩。不皆供養。如恒邊沙佛。已皆與衣服。飯食。牀卧。醫藥。悉具足。皆於恒邊沙佛所。悉行清淨戒。皆從受事。聞其中慧。當所施行。其所求者。為悉學。已所住。如法。今皆不能得。阿耨多羅三耶三菩提。是學。已作。是受。已作。是行。已不能得。薩若若何。况若欲得。阿耨多羅三耶三菩提。言。設是不動者。弊魔便去。更化作比丘。作是言語。是悉羅漢。過去世時。皆行菩薩道。今悉取羅漢。今是尚如是。比丘若當從何所得。阿耨多羅三耶三菩提。言。是菩薩摩訶薩。雖從異處。聞是言。續作其行。心不動轉。亦无有異心。覺知魔為佛言。若有學波羅蜜。隨其行者。不

得薩若若當從何所得。佛所語者。為無有異其作。是學其作。是行如般若。波羅蜜者。心不動。攝設。是不得薩若若。佛語。為有異佛所語者。終不有欺。是菩薩摩訶薩。當作是學。用是。比觀其相行。具足。知是。即阿惟越致。菩薩摩訶薩。復次須菩提。提。魔往到阿惟越致。菩薩摩訶薩。所作。是。晚言。薩若若者。如空。是法。不可得。邊幅。是法。不可得。窮極。有所可得。何以故。无阿惟越致。亦無得阿惟三佛者。今我觀其法。都盧皆空。若之所作。是。為勤苦。不當。覺知。是魔所為。云何。欲得阿耨多羅三耶三菩提。是非佛所說。佛言。是善男子。善女人。當如是。知當作。是念。為魔事。其心。正直。而不動。攝用。比觀。其相行。具足。知是。即阿惟越致。菩薩摩訶薩。復次須菩提。提。阿惟越致。菩薩摩訶薩。欲作。第一禪。第二禪。第三。至于。第四禪。三摩越。隨。是。四禪。而不。錄。禪。目。是。為。三摩越。為人。欲。故。用。是。比。觀。其。相。行。具。足。知。是。即。阿。惟。越。致。菩薩摩訶薩。復次須菩提。提。阿惟越致。菩薩摩訶薩。

薩不求稱譽。其名字者。若稱說者。不念所欲。其心廣大。但念一切。悉令得安。行步坐起。其心不亂。出入用意。當而至誠。不求有力。不他。姪。欲。若。欲。往。來自。患。其。欲。於。欲。常有。恐。怖。辟。若。男子。過。大。空。澤。之中。若。欲。飲食。畏。於。賊。盜。疾。欲。發。去。自。念。何。時。當。到。聚。落。安隱。之。處。疾。得。脫。去。阿。惟。越。致。菩薩摩訶薩。亦復如是。於。愛。欲。有。往。來。時。自念。所作。是。為。不可。是。即。為。非。皆。悉。不。正。非。我。法。之。所作。亦。不。念。餘。惡。何以。故。欲。使。一切。皆。得。安。隱。佛。言。其。作。是。念。皆。是。般。若。波。羅。蜜。威。神。之。力。用。是。比。觀。其。相。行。具。足。知。是。即。阿。惟。越。致。菩薩摩訶薩。復次須菩提。提。和。夷。羅。洎。闍。叉。常。隨。從。阿。惟。越。致。菩薩摩訶薩。其餘。鬼神。不。敢。附。之。終。不。失。志。其。心。不。亂。其。身。亦。不。妄。起。身。體。完。具。无。所。缺。減。為。人。雄。不。誘。他人。婦女。若。為。作。符。若。呪。若。藥。都。不。為。是。亦。不。自。為。亦。不。教。人。為。是。為。菩薩。之。淨。不。說。男子。事。亦。不。說。婦。人。事。都。無。是。德。用。是。比。觀。其。相。行。具。足。知。是。即。阿。惟。越。致。菩薩摩訶薩。

薩摩訶薩復次須菩提阿惟越致若  
薩摩訶薩不與聚會人從事亦不與  
王者亦不與賊亦不與兵亦不與軍  
亦不與聚邑亦不與城郭亦不與世  
俗亦不與女人亦不與男子亦不與  
餘道亦不與穀亦不與須亦不與祠  
亦不與雜色亦不與華亦不與香亦  
不與調戲亦不從海亦不從利亦不  
作若干種亦不與所有從事但與般  
若波羅蜜從事不離薩若常念不  
忘亦不與闍從事自守如法常行中  
正不從非法常稱譽賢者以為上頭  
常於人欲作親厚不作怨惡但求恒  
薩阿竭法則欲求生異方佛刹作是  
求將不生彼間用是故常得見佛復  
得供養阿惟越致菩薩摩訶薩或從  
欲從色從無色去其彼間來生中國  
若在善人家若黠慧中生若生生談  
語之中若在曉經書之家不喜豫少  
事有生於邊地悉生大國中終不犯  
法用是比觀其相行具足知是即阿  
惟越致菩薩摩訶薩復次須菩提阿  
惟越致菩薩摩訶薩亦不言我是阿

惟越致亦不念我是阿惟越致亦不  
自疑我不在阿惟越致地辭若男子  
得須陀洹道於其道地終不有疑魔  
事雖起即悉覺知既起者不隨其計  
阿惟越致菩薩摩訶薩亦如是自於  
道地終不有疑亦不懈急魔事雖起  
即悉覺知既起者不隨其計辭若男  
子作惡逆者其心終不有忘至于命  
盡其心終不可轉阿惟越致菩薩摩  
訶薩者終不可移其心忠正立於阿  
惟越致菩薩心終不可動天上天下  
終不可轉魔事雖起即悉覺知既起  
者不隨其計自於道地終不有疑亦  
無聲聞辟支佛心終不念言佛之難  
得其地安隱端自堅住无有勝者何  
以故如是住者無有能過弊魔大愁  
便化作佛往到其所言若當聚羅漢  
證證如來受決得阿耨多羅三耶三  
菩何以故若不得比亦不得相其如  
心比者用是相行具足能為菩薩摩  
訶薩或尚不得阿耨多羅三耶三菩  
若當何當因得佛言設是菩薩摩訶  
薩心不動轉知是菩薩摩訶薩從過

去恒薩阿竭阿羅訶三耶三佛所受  
次已設復作是念者知魔作佛像來  
是男子即非佛是魔所為其作是作  
以應阿惟越致地如佛所說魔事无  
有異其作是視其作是念知魔所為  
欲使我轉佛言設不動者是菩薩摩  
訶薩從過去恒薩阿竭阿羅訶三耶  
三佛所以受次住阿惟越致地已何  
以故用是比觀其相行具足知是審  
阿惟越致如是比较其相行具足知  
是即阿惟越致菩薩摩訶薩復次須  
菩提阿惟越致菩薩摩訶薩用法故  
不貪所有亦不惜身壽命是菩薩摩  
訶薩欲悉受法為護過去當來今現  
在佛所有法其欲護過去當來今現  
在佛法以為人數是即為決是為護  
法用是故无所惜亦不惜身身未曾  
懈時無有歇極如是比较其相行具  
足知是阿惟越致菩薩摩訶薩  
復次須菩提阿惟越致菩薩摩訶薩  
恒薩阿竭阿羅訶三耶三佛之所說  
法未曾有疑亦不言非須菩提白佛  
恒薩阿竭之所說法亦不疑不言非

摩訶般若波羅蜜經卷第四十餘河

摩訶般若波羅蜜經卷第四十餘河

摩訶般若波羅蜜經卷第四十餘河

為於聲聞說法亦不有疑亦不言非諸聲聞之所說法於其中亦不疑亦不言非何以故須菩提是菩薩摩訶薩為逮无所從生法樂忍用是比觀其相行具足知是阿惟越致菩薩摩訶薩

摩訶般若波羅蜜經卷第四十餘河第九

須菩提白佛言大哉阿惟越致菩薩摩訶薩從大功德自致阿惟越致乃從恒邊沙等為以應相今天中天說深法是菩薩摩訶薩之所施行佛言善哉善哉須菩提汝之所內是為甚深是即為空无相無願无生死無所生無所有无所欲是為滅泥洹者是為限須菩提白佛泥洹者是限非是諸法佛語須菩提諸法甚深何以故色者甚深須菩提痛痒思想生死識亦甚深陰亦甚深如色甚深者何謂須菩提痛痒思想生死識之甚深有甚深者非色之甚深是為色之甚深痛痒思想生死識亦非是識為甚深須菩提白佛言大哉微妙色之稍從泥洹佛語須菩提痛痒思想生死識

為稍從泥洹甚深甚深者般若波羅蜜菩薩摩訶薩思惟念是為住如般若波羅蜜教為學般若波羅蜜是菩薩摩訶薩隨是思想惟念如空教應行一日甚深不可言須菩提白佛言是菩薩摩訶薩應行一日者為却幾劫之生死佛語須菩提辟若姪洩有所重愛端正女人與共期會女人不得自在云何須菩提其男子寧念不須菩提言用女人故思念甚多无有忘時佛言如是男子所念一日其心不轉是菩薩摩訶薩念般若波羅蜜應行一日却生死若千劫已其如般若波羅蜜教如中所說學思念隨行一日者是菩薩為却惡除罪已若菩薩摩訶薩離般若波羅蜜者正使布施如恒邊沙劫不如菩薩摩訶薩隨般若波羅蜜教應行一日者其功德出彼上復次須菩提若菩薩摩訶薩壽如恒邊沙等劫持所布施與須陀洹斯陀會阿那含阿羅漢辟支佛而離般若波羅蜜若有菩薩摩訶薩隨般若波羅蜜教其功德出彼菩薩

壽如恒邊沙劫布施持戒者上若有菩薩摩訶薩念般若波羅蜜起便說法其功德復出彼菩薩上復次須菩提是菩薩摩訶薩為以法施其功德復轉倍若菩薩摩訶薩作法施者是為阿耨多羅三耶三菩若有菩薩摩訶薩法施者而不守中其功德不如菩薩摩訶薩作法施而復守中若有持般若波羅蜜者不離守中是菩薩摩訶薩其功德甚多須菩提白佛一切無生死若有不動天中天此二事何功德為甚多佛語須菩提菩薩摩訶薩於福生死於功德生死所行般若波羅蜜樂於空樂於無所有樂於盡樂於无所得念是時為不離般若波羅蜜若不離般若波羅蜜者是菩薩摩訶薩得不可計阿僧祇功德須菩提白佛天中之所說何謂不可計阿僧祇功德有何差特佛語須菩提阿僧祇者其數不可盡極不可計者不可量計之了不可得邊幅余故為不可計阿僧祇須菩提言佛說不可計者色亦不可計痛痒思想生死識

亦不可計佛語須菩提如所言色亦不可計痛痒思想生死識亦不可計須菩提白佛何謂為不可計佛語須菩提如空故不可計无相無願故言不可計如是者不可計即為是空亦無異法佛言云何須菩提我言諸法悉空不須菩提言如是天中天所說法悉空不可盡佛言如是須菩提諸法悉空不可計无有法各各異者有所持分別可得不可得者即恒薩阿竭得不可盡不可計如空无相無願无生死無所生无所有無所起无所滅如泥洹隨所喜在所說是為恒薩阿竭教須菩提白佛大哉天中天之所說法是法實不可逮如我念佛之所語諸法亦不可逮佛語須菩提如是諸法不可逮悉法如空故不可逮須菩提言如佛說本不可逮願解不可逮佛言不須菩提言六波羅蜜為不可逮是為布施无增無減尸波羅蜜若波羅蜜唯逮波羅蜜禪波羅蜜般般若波羅蜜為不增不減是即為六波羅蜜不增不減何謂於六波羅

蜜不增不減是為菩薩摩訶薩自致阿耨多羅三耶三菩提緣近佛坐是菩薩摩訶薩而不離般若波羅蜜自致阿耨多羅三耶三菩提佛語須菩提如本不可逮不增不減是菩薩摩訶薩為行般若波羅蜜濕和拘舍羅者不念是為檀波羅蜜之所增減是為般若波羅蜜但為有字是為檀波羅蜜持所有而布施心念持是功德施作阿耨多羅三耶三菩提其施如阿耨多羅三耶三菩提者是菩薩摩訶薩為行般若波羅蜜其行般若波羅蜜是為濕和拘舍羅不念尸波羅蜜之增減但為有字是為尸波羅蜜是為持戒心念以是功德施作阿耨多羅三耶三菩提如阿耨多羅三耶三菩提是菩薩摩訶薩為行般若波羅蜜若波羅蜜若波羅蜜惟逮禪波羅蜜亦念是菩薩摩訶薩為行般若波羅蜜濕和拘舍羅者不念般若波羅蜜之增減但為有字為般若波羅蜜者即是智慧發心持是功德施作阿耨多羅三耶三菩提如何耨多羅三耶三菩提者是能為施須

菩提白佛言何等為阿耨多羅三耶三菩提佛語須菩提本无者是為阿耨多羅三耶三菩提是為不增不減常隨是念終不離行今近阿耨多羅三耶三菩提如是須菩提其本无者不可逮亦不增不減思惟念是為無所失是為波羅蜜不減是菩薩摩訶薩思惟念是為離阿耨多羅三耶三菩提坐須菩提白佛菩薩摩訶薩持心初發心當近阿耨多羅三耶三菩提坐若持後心近阿耨多羅三耶三菩提坐切心後心是二者无有對後心初心亦无有對何等功德而出生者佛語須菩提譬如燈炷之然其炷用初明得然若用後明得然須菩提言亦非初明得然亦不離初明得然亦非後明得然亦不離後明得然佛言云何須菩提為如是不須菩提言如是如是天中天佛語須菩提菩薩摩訶薩亦不初心得阿耨多羅三耶三菩提亦不離初心得阿耨多羅三耶三菩提亦不後心得阿耨多羅三耶三菩提亦不離後心得阿耨多羅三耶三菩提須菩提

摩訶般若波羅蜜經卷之四

白佛言因緣者甚深天中天菩薩摩訶薩不用初心得阿耨多羅三耶三菩菩薩亦不離初心得阿耨多羅三耶三菩亦不後心得阿耨多羅三耶三菩云何須菩提前心為滅耶後心復生耶須菩提言不天中天云何須菩提心初生者為滅不須菩提言其法為滅法天中天云何須菩提其法當所滅者寧可滅不須菩提言不天中天云何須菩提寧可住如本無須菩提言其欲住者當如本无云何須菩提設令住如本無將无有異須菩提言不天中天云何須菩提本無為甚深不須菩提言甚深天中天云何須菩提本無為有心不答言无有天中天云何須菩提能有異本無有心者不答言不天中天云何須菩提本無見意不答言不天中天云何須菩提其作是行為深行不答言其作是行天中天為无所行何以故作是不見行為不可見行佛語須菩提菩薩摩訶薩行般若波羅蜜者為行何等

摩訶般若波羅蜜經卷之四

須菩提言為行審諦天中天云何須菩提其行諦者為行想不答言不天中天云何須菩提菩薩摩訶薩為識想念不答言不天中天云何須菩提為不識想念為念須菩提言菩薩摩訶薩而不為是云何須菩提不作想而得應行具足一切佛法不為聲聞須菩提言菩薩摩訶薩和拘舍羅者於无想為無所貪舍利弗問須菩提若菩薩摩訶薩於夢向三事三昧念脫門空空无相無相元願無願三昧是為有益般若波羅蜜於晝日夜復有益若夜夢中時亦復有益何以故佛之所說晝日若夜夢中俱等無有異須菩提語舍利弗若菩薩摩訶薩晝日念般若波羅蜜夜於夢中亦復倍益念般若波羅蜜舍利弗言云何須菩提若於夢中有所作寧有所不答言不一切諸法說亦如夢中之所有須菩提語舍利弗夢中所作善覺即大喜是者為益若所作惡而不喜者是即為減舍利弗言設於夢中有煞其心大喜覺已言我煞是大

摩訶般若波羅蜜經卷之四

快是者云何須菩提言不妄皆有因緣心不空今會有所緣若見若聞若念覺即知之是為因緣故令人心為所著便有所得何謂所得從听因緣乃受其罪不從無因緣受其罪皆從因緣生故舍利弗言一切所作因緣皆為恍惚皆為空耳云何天中天從何因緣而得所生答言為從想因緣得生舍利弗言菩薩摩訶薩於夢中布施持是施與作阿耨多羅三耶三菩為有施與无須菩提報舍利弗言大弥勒菩薩摩訶薩今近在是且暮當補佛處所問者可問之即能發遣舍利弗白弥勒菩薩今我所問須菩提言大弥勒菩薩即能解之弥勒菩薩語舍利弗如我字為弥勒當所解者當以色解若當以痛痒思想生死識解色者即空當以无所解之若痛痒思想生死識空解亦不見法常所解者何所得解亦不見法所解當得阿耨多羅三耶三菩舍利弗白弥勒菩薩所說者為已得證弥勒菩薩語舍利弗所說法不言得證舍利弗

便作是念。稱勒菩薩所入慧為甚深。所以者何。般若波羅蜜以來久遠。佛言云。何舍利弗。若能見彼作羅漢者。不舍利弗言。不天中天。佛語舍利弗。菩薩摩訶薩行般若波羅蜜亦如是。不念我。徒是法受。不徒是法得。決若於是法。當得阿耨多羅三耶三菩提。自致阿惟三佛。是菩薩摩訶薩。其作是作為行般若波羅蜜。不恐不得阿惟三佛。隨是教者。為行般若波羅蜜。是菩薩摩訶薩。為以無所畏。何以故。若至大劇難。處虎狼之中。不畏不怖。心念言。設有敢我者。當為布施。是為具足行檀波羅蜜。近阿耨多羅三耶三菩提。願我作佛。令其剎中无禽獸之道。若菩薩摩訶薩。至大劇賊之中。亦不畏怖。何以故。設令於其中。死心念言。我身會當棄捐。設煞我者。我不瞋恚。是為具足忍辱行。鼻波羅蜜。當近阿耨多羅三耶三菩提。願我作佛。時令其剎中人。无有賊盜。若菩薩摩訶薩。至大無水漿之處。亦不畏怖。心念言。一切人念悉无德。使無水漿。願我作佛。

時令其剎中。常有八味之水。使一切人。悉得用之。用世間人。故常為精進。若菩薩摩訶薩。至穀貴之處。亦不畏怖。心念言。我當堅其精進。自致得阿耨多羅三耶三菩提。阿惟三佛。時令我剎中。無有惡。皆使一切人在所願。飲食悉令在前。如切利天上。所有是善男子。用一切人。故精進。自致阿耨多羅三耶三菩提。阿惟三佛。若菩薩摩訶薩。在惡賊時。亦不畏怖。何以故。不見法。當所痛者。用是故。無所畏。假使我身。遭是病死。心不有異。必當精進。願我作阿耨多羅三耶三菩提。至佛時。令其剎中。一切人。皆无惡。穢者。死者。是菩薩摩訶薩。之所言。如佛語。而无異。復次。舍利弗。是菩薩摩訶薩。不久當成阿耨多羅三耶三菩提。自致阿惟三佛。自於其法。亦不恐怖。何以故。從本際已來。發心。呼言。不久其本際者。為若干。為久遠。為甚大。久心。如一。轉。頃。是為本際。是菩薩摩訶薩。今近阿耨多羅三耶三菩提。阿惟三佛。故曰。聞是而不恐怖。亦時。優婆塞。

從坐起前。為佛作禮。長跪。白佛。我聞是語。不恐不怖。必後欲為一切人。說法。令不恐怖。應時。佛笑。口中五色光。出。笑。竟。訖。以優婆塞者。即以金華。持散佛上。用佛威神。其華在佛上。亦不墮地。阿難。從坐起。整衣服。前為佛作禮。却長跪。問佛。但薩阿竭。所笑不妄。必有所說。佛語。阿難。是恒。架。調。優。婆。塞。者。却後。當。未。世。其。劫。名。為。星。宿。當。於是。劫。中。作。佛。号。字。曰。金。華。佛。佛。語。阿難。是。優。婆。塞。者。後。當。棄。女人。形。體。更。受。男。子。身。便。生。阿。闍。佛。國。摩訶般若鈔經卷第四

戊戌歲高麗國大藏都監奉勅彫造

摩訶般若鈔經卷第五

善天竺沙門曇摩辨共竺佛念譯

河

守空品第十

須菩提白佛言云何為空所作不貪  
云何守空即是三昧佛語須菩提  
菩薩摩訶薩行般若波羅蜜者觀色空  
觀痛痒思想生死識空作是觀者為  
一心如所觀於法亦為無所見於法  
中而不作證須菩提白佛言佛所說  
者不以空作證云何菩薩摩訶薩於  
三昧不以空作證耶佛語須菩提是  
菩薩摩訶薩觀一切色所有皆空亦  
不作證作是觀者為不取證不作證  
觀即无所貪是者為觀以無所貪是  
即為觀欲向是時而不證不貪其時  
心不念三昧因緣是者為念念時為  
不失菩薩本法不中道得證何以故  
所作功德法甚深不貪是時故不取  
證以從般若波羅蜜得護辟如人若  
勇若捍能却敵者為人端正猛健无  
所不能悉知兵法六十四變悉索五  
曉為眾所敬在所致處無不得利從

摩訶般若鈔經卷第五 第三張 河 六作

是所得轉分布與人其心人俱莫不  
歡喜若有他事與父母妻子俱過大  
劇難之中其人便自安其父母妻子  
言莫恐莫怖今當俱出是難之中若  
於其中怨家卒來其人慧黠應時出  
其父母妻子送歸鄉里皆得完具亦  
無有惡及於怨家亦无所中傷何以  
故用无所不曉其人勇健為變化勝  
於怨家怨家見者莫不恐怖而皆走  
去其父母妻子得出難中歸其處所  
无不歡喜如是須菩提菩薩摩訶薩  
於一切人極大慈心是時菩薩摩訶  
薩持慈心悉施於人過諸垢濁魔之  
所部復出聲聞辟支佛道地上菩薩  
於三昧中立而無所盡用波羅蜜故  
於空為無所貪作是行時是菩薩摩  
訶薩為行空三昧向脫門亦不以有  
相不以无相故不取證辟若飛鳥須  
菩提飛行空中无所觸導是菩薩摩  
訶薩為行空至空向无相至無相向  
無願至无願不以空無相無願故墮  
悉欲具足佛諸法辟如工射之人須  
菩提射空其箭在空中復以一箭中

摩訶般若鈔經卷第五 第三張 河 六作

前前後後復射前各各中之而不墮地  
其人欲令前箭墮余乃墮之如是須  
菩提菩薩摩訶薩行般若波羅蜜者  
以為遍和拘舍羅之所護持自於本  
際不中道取證成滿其功德悉速得  
阿耨多羅三耶三菩提於功德以成滿  
者得佛能為本際作證是菩薩摩訶  
薩為行般若波羅蜜是法於法有生  
須菩提白佛言菩薩摩訶薩實憊苦  
作是學而不中道取證大哉天中天  
從本行是安隱自致得成佛佛語須  
菩提菩薩摩訶薩欲護一切人故是  
為本願之所致故能護於一切  
而得度脫是為守空三昧向脫門心  
念分別何等為分別守空三昧為分  
別無相三昧為分別無願三昧為分  
別而不中道為本際取證何以故為  
遍和拘舍羅之所護初發心時念欲  
護一切故持是所念得入遍和拘舍  
羅故不中道取證復次須菩提若菩  
薩摩訶薩深入處脫者若空三昧向  
脫門無相三昧向脫門無願三昧向  
脫門用是故其心分別之是人已來

久遠所因其行令棄所因是為阿耨多羅三耶三菩之所說法是為守空三昧向脫門守无相三昧向脫門守無願三昧向脫門是為无願三昧向脫門本心所發蒙溫和拘舍羅不中道為本際作證是為於慈无所損是為護等哀三昧所以者何用溫和拘舍羅故是菩薩摩訶薩為益於法便得多智成於力無所不覺復次須菩提菩薩摩訶薩之所念是人已來從久速而有益於法得所知成其力无所不覺復次須菩提是為菩薩摩訶薩我作阿耨多羅三耶三菩時用一切人故為說其法令作无相三昧向脫門發心念是為溫和拘舍羅用是故不中道為本際作證是為於慈无所損是為護等哀三昧是為菩薩摩訶薩益於法得所知成其力無所不覺復次須菩提是為菩薩摩訶薩之所念人從久速已來想無常想其苦想其空想現在菩薩自念言我作阿耨多羅三耶三菩時用一切人故為

說其法無常者為從樂其空者為從有無我皆從我用是念故得溫和拘舍羅是為行般若波羅蜜知佛不三昧而坐三昧但欲具足佛諸法是為無願向脫門而不作證菩薩摩訶薩當作是知何所阿耨多羅三耶三菩發心之所發者是人所發者是人為從久遠已來其所行者而無所行於其想行而不想行於其想行求而不行想於其行想聚而不行想聚於其所行有而不行所有於其行不正而不行不正念使一切人皆令無是菩薩摩訶薩念是時為以明於一切人作是念時是為溫和拘舍羅是為甚深微妙觀其法是者為空即為无相無願是為無生死即為無所生即為无所有是者須菩提為菩薩摩訶薩慧法為無所生其於三界而不知者來有所問是菩薩摩訶薩欲成阿耨多羅三耶三菩故以是故欲知其法當云何發珍寶心於菩薩摩訶薩不以空而作證亦不無相亦不无願亦不生不死亦不有所生亦不以無念

作證是為念般若波羅蜜是者須菩提菩薩摩訶薩為已受決所念如空无相無願无生死無所從生念如无所有其本無不發善心者不能知其能解者是菩薩摩訶薩為從過去佛所聞阿耨多羅三耶三菩事其心以不轉已何以故復有菩薩摩訶薩念法而不能明其有問者亦不能解遣知是未入菩薩道地不應阿惟越致其界佛語須菩提若不聞波羅蜜之所言其有聞者若不聞者能解其慧是菩薩摩訶薩為阿惟越致須菩提言其為菩薩者甚多天中少有能解者佛語須菩提少有菩薩在阿惟越致慧地其受決者乃能解之是菩薩摩訶薩其功德為甚大非是諸天及人阿須倫世間之所知摩訶般若波羅蜜速離品第十一復次須菩提其諦者菩薩摩訶薩於夢中不入聲聞辟支佛道地於三界不念有所求亦不中有所索視諸法若夢不中作證是者須菩提當知菩薩摩訶薩是為阿惟越致相

摩訶般若經第五卷 第七疏 河 奔

復次須菩提菩薩摩訶薩於夢中與若干百若干千若干億千弟子共會在其中坐為諸比丘僧說法如怛薩阿竭阿羅訶三耶三佛之所說法是者須菩提阿惟越致菩薩摩訶薩當知是為阿惟越致相復次須菩提菩薩摩訶薩於夢中飛在空中坐為比丘僧說法還自見七尺光自在所變其於夢見是者當知菩薩摩訶薩是為阿惟越致相復次須菩提菩薩摩訶薩於夢中不怖不難不畏若見郡縣其中兵起展轉相攻伐若火起若見虎狼師子及餘獸若見斷入頭者如是餘變甚大劇苦多有困窮若飢渴者見其厄難心中不恐不畏不驚不動搖夜於夢中所見覺即起坐作是念世界所有群若如夢我作佛時悉為說法而過教之當知菩薩摩訶薩是為阿惟越致相復次須菩提云何知是菩薩摩訶薩當得阿耨多羅三耶三菩提阿惟三佛時其境內一切無有惡正是菩薩摩訶薩須

摩訶般若經第五卷 第八疏 河 奔

菩提於夢中若畜生相食人民疾疫其心稍稍有念願我作佛時使我境界中一切無有惡用是故知其相為清淨當知菩薩摩訶薩是為阿惟越致相復次須菩提菩薩摩訶薩於夢中得覺若見災邪火起便作是念我於夢中所見其心等無異持是比用是相具足知是菩薩摩訶薩阿惟越致若菩薩摩訶薩作是念如我審應相行者當如所言无異今是城郭所起火者當為悉滅消去不復見佛言若火悉為消滅去者知是菩薩摩訶薩受決以為過去怛薩阿竭阿羅訶三耶三佛之所受阿耨多羅三耶三菩提是為阿惟越致令火不滅消去者知是菩薩未受決設火焚燒一舍置一舍復越燒一里置一里是須菩提當知某家居人前世時為斷法罪之所致覺是輩人所作皆是宿命念以見在所更惡令悉除其所斷法殃因是皆得消盡用是故須菩提當知是菩薩摩訶薩即阿惟越致阿耨多羅三耶三菩提復次須菩提用是比相

摩訶般若經第五卷 第九疏 河 奔

其行具足當視是菩薩摩訶薩如阿惟越致用是故說其比相行當令知之或時須菩提若男子女人為鬼神所下若為所持是彼菩薩若作是念設我受決以過去怛薩阿竭阿羅訶三耶三佛授我阿耨多羅三耶三菩提者實憊苦有異當得阿耨多羅三耶三菩提阿惟三佛若於阿耨多羅三耶三菩提阿惟三佛所念皆清淨者為却羅漢辟支佛心設以却羅漢辟支佛心者會當作阿耨多羅三耶三菩提不得不成自致阿惟三佛若當得佛為阿耨多羅三耶三菩提者阿僧祇刹土現在諸佛無不見者無不證者今怛薩阿竭阿羅訶三耶三佛悉知我所念無有異我審作阿耨多羅三耶三菩提阿惟三佛者審如我之所言是鬼神即當去便告言是男子女人為何鬼神所持鬼神聞其所言即去說是語時設不去者是菩薩為未受決過去怛薩阿竭阿羅訶三耶三菩提不授阿耨多羅三耶三菩提若說是言邪即去者知是菩薩為以受決過去怛薩

阿竭阿羅訶三耶三菩所授阿耨多  
羅三耶三菩佛語須菩提其人審至  
誠者弊魔往到菩薩摩訶薩所若菩  
薩言我審至誠者已受汝為阿耨多  
羅三耶三菩是邪鬼神即當去弊魔  
用是故作好心化令邪鬼神悉去所  
以者何弊魔極尊有威神故諸邪鬼  
神不敢當之是皆魔威神之所辟用  
是故悉為除去若菩薩自念用我威  
神故是彼菩薩摩訶薩以自謂是便  
反自貢高輕易於人形笑他人而无  
所錄語人言我從過去恒薩阿竭阿  
羅訶三耶三佛所授汝以其餘人者  
悉未受汝為阿耨多羅三耶三佛所  
授汝以其餘人者悉未受汝為阿耨  
多羅三耶三菩用是故自可自高恚  
怒稍增即離薩云若大遠失阿耨多  
羅三耶三佛慧知是輩菩薩无溫和  
拘舍羅而自貢高便在二道地墮聲  
聞辟支佛地是輩菩薩須菩提持不  
成作成不知魔為反捨善師而去亦  
不與從事亦不錄視用是故為魔所  
困是菩薩摩訶薩當覺知魔為以何

占之覺知魔來在菩薩前魔作變化  
為異被服往來作是言語菩薩摩訶  
薩若從過去恒薩阿竭阿羅訶三耶  
三佛之所授汝阿耨多羅三耶三菩  
若本字某若母字某若父字某若兄  
字某若姊字某若弟字某親厚知識  
字某若父兄字某若七世祖父字某  
若母外家字某若父外家字某若在  
某城生着在某國生着在某郡生着  
在某縣生着在某鄉生着常軟語若  
令作是語者皆乃前世之所致亦復  
作是軟語或時高才者便復隨形言  
若前世時亦復高明或見自守或見  
乞食或時一處飯或時就飯者或時  
先食果菜却食飯或時在丘墓間或  
時寂寞處或時樹間止或時受請者  
或時不受請或時多少取足或時一  
處止或時麻油不塗身或時聲好或  
時牙談何以故魔復言是因緣者皆  
前世時德之所致令逮得是若前世  
時其家子若刹利姓若復字某前世  
有是德今故亦尔彼菩薩心便作是  
念想我且尔是弊魔便復作是言若

以受汝過去恒薩阿竭阿羅訶三耶  
三佛授若阿耨多羅三耶三菩用是  
因緣功德故若是阿惟越致佛語須  
菩提我所說阿惟越致菩薩摩訶薩  
不令持是比相行占之如我所說者  
不具足得反自用者當知是菩薩輩  
終不成為魔所壞何以故用是比觀  
其相行知是即非阿惟越致菩薩摩  
訶薩者終不有是意是輩菩薩聞魔  
乃語名字心大歡喜自謂審然便自  
貢高行形笑人輕易同學而反自用  
是彼菩薩摩訶薩須菩提用受是字  
因失其本便墮魔網  
復次須菩提用受字故是菩薩摩訶  
薩不覺魔為反自呼得阿耨多羅三  
耶三菩魔復作是言若當作阿耨多  
羅三耶三菩若作佛時當字某是菩  
薩聞是字心中作是念我將得无然  
我亦先時念復如是佛言是菩薩於  
知為甚少无溫和拘舍羅反作是念  
希聲名字自我作阿耨多羅三耶三  
菩字當如是佛言如魔所教者為從  
魔天今作比丘為魔所迷自念是我

摩訶般若經卷之五 第十三經 阿

本發心之所致今得是字為如所言  
過去恒薩阿竭阿羅呵三耶三佛受  
戒以以為阿耨多羅三耶三菩提  
須菩提我所說阿惟越致菩薩摩訶  
薩用是比相行而不為是其以字自  
念我是便輕餘菩薩摩訶薩用是輕  
故離薩亡若阿耨多羅佛慧速遍和  
拘舍羅以為離般若波羅蜜以為離  
善師以為得惡師是菩薩會墮二道  
若聲聞辟支佛道地若大久遠勤苦  
以後乃復求佛者用般若波羅蜜思  
故當復得阿耨多羅三耶三菩自致  
成阿惟三佛佛言今時發意受是字  
時不即覺改悔者如是當墮聲聞辟  
支佛道地佛言比丘有四重事禁若  
復他事所犯故不復成沙門不復為  
佛子是壞菩薩之罪重於比丘四事  
禁是菩薩言我字某生於某國心作  
是念其罪重於四事禁復過五逆  
惡所以罪重者何為受字故不知魔  
事之所為微妙復次須菩提遠離之  
德菩薩摩訶薩樂須於前作是言  
遠離之法正當如是恒薩阿竭阿羅

摩訶般若經卷之五 第十四經 阿

呵三耶三佛之所稱譽佛語須菩提  
我不作是說遠離教菩薩摩訶薩止  
於獨處樹間閑處須菩提白佛云何  
天中天菩薩摩訶薩有異遠離佛語  
須菩提正使菩薩摩訶薩念恍惚是  
為聲聞之所念念恍惚者為是辟支  
佛之所念行恍惚者是菩薩摩訶薩  
雖在城郭續為行遠離行恍惚是菩  
薩摩訶薩於一切惡法而无所起行  
恍惚者是菩薩摩訶薩若獨處樹間  
閑處止是菩薩摩訶薩續行遠離是  
者我樂使菩薩摩訶薩作是行是遠  
離之行當晝夜念之是為菩薩摩訶  
薩遠離行菩薩摩訶薩遠離行菩薩  
摩訶薩行遠離者雖在城傍續行恍  
惚若在獨處樹間閑處止者恍惚若  
在獨處樹間閑處止者行恍惚是菩  
薩摩訶薩自念我以知遠離今時樂  
魔便往教之令行遠離言若當於獨  
處樹間閑處止當作是行是菩薩隨  
魔所教便止遠離魔復言道為悉守  
聲聞辟支佛道皆作是念無有異其  
作是者為具足般若波羅蜜以當作

摩訶般若經卷之五 第十五經 阿

是行佛言是菩薩摩訶薩所念法非  
清淨謂以隨行而反自用輕餘菩薩  
自念誰能過我輕易城傍行菩薩清  
淨者其心所念不入聲聞辟支佛法  
所有惡心不受憍慢三昧三摩越悉  
逮得所願悉具足度佛言无漚和拘  
舍羅菩薩者正使在四千里空澤之  
中禽獸所不至處賊所不至羅刹不  
至處雖在彼間若一歲若百歲若干  
歲若百千歲若百千萬歲若百千萬  
億歲正使復過是者不知遠離會无  
所益不能具足為菩薩摩訶薩遠離  
自念謂惡得已悉明已樂魔便往飛  
在空中作是言善哉善哉善男子是  
真遠離恒薩阿竭阿羅呵三耶三菩  
所說正當隨是遠離行如是者疾得  
阿耨多羅三耶三菩阿惟三佛是菩  
薩摩訶薩聞是便從遠離起去往到  
城傍遠離菩薩所若比丘成就有道  
人所而自貢高反往輕言若所行法  
是即為非佛言其隨恍惚之行是菩  
薩摩訶薩為正反呼言非中有反行  
反呼為是不當敬者而反敬之當所

敬者及曠向之言我所行遠離用是故有非人來語我言善哉善哉若所行審是遠離若在城傍行者誰當來語若誰當告若者佛言是菩薩有德人而反輕之如是須菩提菩薩當知是人如捨死人種无所復中反呼菩薩有短是為菩薩怨家其為狀菩薩者以是天上天下之為大賊正使如沙門被服亦復是賊於菩薩有德人中亦復是賊是曹輩者須菩提不當與共從事不當與共語言亦不當恭敬視之何以故當知是輩多瞋怒起敗人好心何所須菩提是菩薩摩訶薩不釋薩去若不捨阿耨多羅三三善若菩薩摩訶薩不釋薩去若者是故阿耨多羅三耶三善阿惟三佛為一切人故作依是輩菩薩不當與壞人者從事不敬之不當與會所當護法當自堅持當念之常畏怖生死勤苦之處不當入中於三界而不與交是彼壞菩薩輩在所止處常常慈心哀愍護之自念使我无得生是惡心今有所慮設有不善疾使我棄之

當用學故是者須菩提菩薩摩訶薩之為上知  
摩訶般若波羅蜜善知識品第十二  
復次須菩提其諸菩薩摩訶薩欲得阿耨多羅三耶三善阿惟三佛者當親近善師與共從事恭敬承事須菩提白佛言何所是天中天菩薩摩訶薩善師當何以知佛語須菩提天中天者是菩薩摩訶薩善師有說般若波羅蜜者從其所聞般若波羅蜜是即為度教人入中當作是知為是菩薩摩訶薩善師六波羅蜜者是菩薩善師六波羅蜜是舍怛羅六波羅蜜者是道六波羅蜜者是為去冥六波羅蜜者是即為基六波羅蜜者是即為明以過去怛羅阿竭阿羅訶三耶三佛皆從六波羅蜜出甫當來怛羅阿竭阿羅訶三耶三佛皆從六波羅蜜出今現在阿僧祇諸刹土怛羅阿竭阿羅訶三耶三佛皆從六波羅蜜出成薩去若皆從四事雜施於人者布施二者歡樂三者饒益四者等與是者須菩提菩薩摩訶薩舍怛羅

是即為母是即為父是即為舍是即為基是即為護是即為歸是即為導是皆六波羅蜜是為益於一切人者菩薩摩訶薩學六波羅蜜者用无有極故欲斷人之狐疑以是故當學般若波羅蜜須菩提白佛何所是天中天般若波羅蜜相佛語須菩提無所呈尊是般若波羅蜜相須菩提言如天中天所說是相實般若波羅蜜如是相者為得諸法佛言如是須菩提其如相為得般若波羅蜜如是相者為得諸法何以故須菩提諸法皆是恍惚諸法皆是空以是故須菩提恍惚與空是為般若波羅蜜相諸法之相亦恍惚是空亦恍惚須菩提天中天說諸法悉恍惚是空何然人欲有生無有盡時其恍惚者无欲其恍惚者而无生其空者無欲其空者无所生恍惚與空無阿耨多羅三耶三善阿惟三佛亦不從異法恍惚空得阿耨多羅三耶三善阿惟三佛云何天中天所說而可得知佛語須菩提人從久遠念言是我所有非我所有用

摩訶般若波羅蜜經卷第五 第三十經 阿耨

摩訶般若波羅蜜經卷第五 第三十經 阿耨

摩訶般若波羅蜜經卷第五 第三十經 阿耨

是故因致是須菩提言如是我所說人實從久遠念言是我所有非我所有佛言云何須菩提是我所有為空不須菩提言是為空天中天常言云何須菩提非我所有為空不須菩提言是為空天中天佛語須菩提人用是故自念言是我所非我所用是故在於生死無有已時須菩提言如是天中天人用是故在於生死無有休時佛言是者須菩提人從欲便著於人之中當作是知不當有所求後便不復著其諦者須菩提有所增益不當念是我所有非我所有是為行般若波羅蜜是者須菩提其所生者後不作是生是菩薩摩訶薩為行般若波羅蜜須菩提白佛作是行者天中天為不行色不行痛痒思想生死識是所行者天中天菩薩摩訶薩所念為隨俗是為菩薩摩訶薩行天中天諸聲聞辟支佛所不及一切人之所行是彼極過去以是所得處無能逮者是為菩薩摩訶薩之極上天中天是所念者為般若波羅蜜菩薩

摩訶薩晝夜作是行如所行者疾近阿耨多羅三耶三菩提惟三佛坐佛言云何須菩提若聞淨利人及一切菩薩悉令作人皆行阿耨多羅三耶三菩提發心索佛各各盡壽作布施持是施與作阿耨多羅三耶三菩提於須菩提意云何是菩薩摩訶薩作是布施其福寧多不須菩提言甚多其多天中天佛言不如菩薩摩訶薩專念般若波羅蜜一日之行其福以過彼上或是菩薩所專念般若波羅蜜如其所行是者都於眾中為極上尊信以故其餘人無有是慈除諸佛無有與摩訶薩等者是善男子所入為甚深曉了悉知見於世間是即大闍其眼徹視見不可計人悉欲見之無有懈時念於一切人而不作想亦無有異是者須菩提即菩薩摩訶薩之大明雖未作阿耨多羅三耶三菩提惟三佛者是即所行其行極尊出於世間之上於阿耨多羅三耶三菩提終不復還受衣被飯食牀卧醫藥悉具心住於般若波羅蜜者雖受施與其德

已淨所作福德令近薩若若生是故須菩提菩薩摩訶薩有所食無有罪欲益於一切人悉欲示人道徑其有照明欲甚度大無有極諸在牢獄之中悉欲度脫欲使一切人眼皆悉清淨是為般若波羅蜜之所念行隨是教念般若波羅蜜者有是即為不動搖何以故其作動者所念有想即非般若波羅蜜是即非護當作如般若波羅蜜行晝夜念之辭如男子須菩提摩尼珠前所不得却後得之歡喜踊躍得摩尼珠以復亡之用亡是故便大愁毒坐起有憂而無有解已如是須菩提菩薩摩訶薩欲索珍寶者常堅持心無得失薩若若念須菩提白佛一切所念為離自然云何菩薩摩訶薩念薩若若不離於念佛語須菩提設是菩薩摩訶薩作是知為不失般若波羅蜜何以故須菩提般若波羅蜜者是空不增不減須菩提言般若波羅蜜者天中天實為是空云何是菩薩摩訶薩增於般若波羅蜜成就其行近阿耨多羅三耶三菩提

佛語須菩提菩薩摩訶薩亦不有增亦不有減說是法時聞之不恐不怖當知是善男子為行般若波羅蜜以須菩提白佛般若波羅蜜者是為空行報言不須菩提能有異空而行般若波羅蜜者報言不須菩提為是色行報言不須菩提為痛痒思想生死識行報言不須菩提能有異色而行報言不須菩提能有異痛痒思想生死識行報言不須菩提云何天中天菩薩摩訶薩行般若波羅蜜佛言云何須菩提為自見法法之所行般若波羅蜜須菩提言不見天中天佛言云何須菩提菩薩摩訶薩能自見行般若波羅蜜者須菩提言不見天中天佛言云何須菩提能見法有所生處不須菩提言不見天中天佛語須菩提是為菩薩摩訶薩無所從生法樂忍如是者即為受史阿耨多羅三耶三菩是恒薩阿竭阿羅呵三耶三佛无所畏是菩薩摩訶薩所作行是力者為逮佛慧是即大慧而自在慧薩芸若慧恒薩阿竭慧其不為是不

能自能是處須菩提白佛諸法為從無所生受汝為阿耨多羅三耶三菩佛語須菩提不須菩提白佛云何天中天授菩薩摩訶薩汝得阿耨多羅三耶三菩佛語須菩提能自見法法授汝為阿耨多羅三耶三菩須菩提言我不見法當作阿耨多羅三耶三菩佛語須菩提諸法不可得作是念者是法成阿惟三佛其不作是不自致阿惟三佛

摩訶般若波羅蜜釋提桓因品第十二

釋提桓因從眾會中白佛言甚深甚深者般若波羅蜜天中天難了菩薩事之為恍惚其有德人間般若波羅蜜者便書持學其福不小佛語拘翼若閻浮利人都皆持十善其功德百倍千倍百倍億倍巨億倍若復過是不啻不如善男子善女人間般若波羅蜜書持學者坐中有一比丘語釋提桓因是為以出拘翼上去釋提桓因報是比丘持心一反念者出我上去何況聞般若波羅蜜以書持學者聞以隨是教立都出諸天阿須倫世間人上若菩薩摩訶薩行般若波羅蜜者不獨過諸天阿須倫世間人上乃至須陀洹斯陀舍阿那含阿羅漢辟支佛都悉過是若菩薩摩訶薩行般若波羅蜜者不獨過辟支佛上亦復至菩薩行檀波羅蜜无漚和拘舍羅離波羅蜜上去是菩薩摩訶薩行般若波羅蜜者不獨過檀波羅蜜亦復及行尸波羅蜜波羅蜜惟逮波羅蜜禪波羅蜜无漚和拘舍羅離般若波羅蜜上去若菩薩摩訶薩復諷起行般若波羅蜜者都合會諸天阿須倫世間人終不能勝行般若波羅蜜菩薩摩訶薩用為極尊親近般若波羅蜜故是菩薩摩訶薩為隨薩芸若言無所斷是菩薩摩訶薩不離恒薩阿竭字是為菩薩摩訶薩獲不離佛坐是菩薩摩訶薩所有懈怠不復生是菩薩摩訶薩所學為學尊不學聲聞辟支佛學是學為菩薩摩訶薩學四天王當往問計今樂得疾學是學當坐佛坐自致阿耨多羅成阿惟三佛當度四部弟子菩薩摩訶薩

摩訶般若鈔經卷第五 第三十 佛

作是學者四天王當往問許何況餘  
天子是菩薩摩訶薩行般若波羅蜜  
者常為怛薩阿竭阿羅呵三耶三佛  
之所念般若波羅蜜者是菩薩行若  
於世間有勤苦之疾是身會无此惡  
是為菩薩摩訶薩行般若波羅蜜之  
所致便得現在法福阿難作是念釋  
提桓因自以智說耶持佛威神說釋  
提桓因知阿難心所念即語阿難我  
所說者持佛威神佛言如是如是阿  
難是釋提桓因所說悉佛威神之所  
致或時阿難菩薩摩訶薩於是深念  
般若波羅蜜行便念學般若波羅蜜  
念時三千大千刹土中弊魔一切皆  
為愁毒欲使菩薩摩訶薩中道以本  
際作證令得聲聞若辟支佛道若  
使得阿耨多羅三耶三菩提成阿惟  
三佛

摩訶般若鈔經卷第五

巳亥歲高麗國大藏都監奉

勅彫造